



Innkalling av Alver kommunestyre

Møtedato: 15.12.2022
Møtestad: Helsehuset, møterom Nordhordland
Møtetid: 10:00 -

Eventuelle forfall må meldast til <https://www.alver.kommune.no/innhald/politikk-og-hoyringar/politikk/melde-forfall-til-politiske-mote/>

Varamedlemmer møter berre etter nærare avtale.

Sakliste

Saknr	Tittel
161/22	Godkjenning av innkalling og sakliste
162/22	Godkjenning av møteprotokoll
163/22	Tilstandsrapport for barnevernet 2022
164/22	Melding frå kontrollutvalet
165/22	Forvaltningsrevisjon - Økonomistyring i Alver kommune
166/22	Interkommunal plan for sjøareal i Nordhordland - Alver kommune - Høyringsuttale
167/22	Detaljreguleringsplan for Birkelundstunet gbnr. 172/14. PlanID 1263-201902 - 2. gongs handsaming
168/22	Saksframlegg - Søknad om trafiksikringsmidlar frå Vestland fylkeskommune
169/22	Birkeland - Hella vassleidning
170/22	Manger reinseanlegg
171/22	Høyring - grunnrenteskatt på havbruk
172/22	Inntektssystemet for kommunane NOU 2022-10 – høyring
173/22	Eigarskapsmelding del 1
174/22	Busetting av flyktningar i 2023
175/22	Gjennomføring av kommunestyre- og fylkestingsvalet 2023
176/22	Kommunestyre- og fylkestingsval 2023. Val av røystekrinsar.
177/22	Tilrettelegging - mikrofoner og streaming politiske møter
178/22	NGIR - organisering
179/22	Vertskommunesamarbeid om Nordhordland legevakt
180/22	Budsjettendringar 2022
181/22	Gebyr- og betalingssatsar 2023 - Alver kommune
182/22	Økonomiplan 2023-2026
183/22	Melding/orientering til kommunestyret 15.12.2022

8. desember 2022

Sara Hamre Sekkingstad
ordfører

Tove-Mette Arnø Fyllingen
møtesekretær

Arkiv: <arkivID><jpID> FE-033
JournalpostID:
Sakshandsamar:
Dato: 08.12.2022

Saksframlegg

Saksnr.	Utvæl	Møtedato
161/22	Alver kommunestyre	15.12.2022

Godkjenning av innkalling og saksliste

Kommunedirektøren sitt framlegg til vedtak:

Innkalling og saksliste vert godkjent.

Arkiv: <arkivID><jplD> FE-033
JournalpostID:
Sakshandsamar:
Dato: 02.12.2022

Saksframlegg

Saksnr.	Utval	Møtedato
162/22	Alver kommunestyre	15.12.2022

Godkjenning av møteprotokoll

Kommunedirektøren sitt framlegg til vedtak:
Møteprotokollen vert godkjent.

Vedlegg i saken:

29.11.2022 Protokoll - Alver kommunestyre - 24.11.2022

1842340

Arkiv: <arkivID><jpID> FA-F47, TI-&14
JournalpostID:
Sakshandsamar:
Dato: 06.12.2022

Saksframlegg

Saksnr.	Utval	Møtedato
163/22	Alver kommunestyre	15.12.2022

Tilstandsrapport for barnevernet 2022

Kommunedirektøren sitt framlegg til vedtak:

Kommunestyret tar tilstandsrapport for 2022 til orientering.

Politisk handsaming

Saka skal avgjerast i kommunestyret

Saka gjeld

Tilstandsrapporten skal barnevernstenesta levere årleg. I årets tilstandsrapport er det et mål og gi en reell status på dei områda tenesteleiar vurderer som vesentleg at kommunens leiging skal ha kjennskap til.

Bakgrunn:

Gi kommunestyret en årleg innsikt i tilstand, utvikling og viktige problemstillingar i barnevernet. Målet er betre prioriteringar og kontroll i kommunane jf. Lovføresegn gjeldande frå 1.1.2021 Tilstandsrapportering er en viktig del av internkontrollen i tenesta.

Vedlegg i saken:

07.12.2022 Tilstandsrapport.AlverBVT.22.11.22

1847342

Arkiv: <arkivID><jplD> FE-033, TI-&17
JournalpostID:
Sakshandsamar:
Dato: 02.12.2022

Saksframlegg

Saksnr.	Utval	Møtedato
164/22	Alver kommunestyre	15.12.2022

Melding frå kontrollutvalet

Kontrollutvalet sitt framlegg til vedtak:

Meldinga vert teke til orientering.

Politisk handsaming

Saka skal avgjerast i kommunestyret

Melding:

- Protokoll kontrollutvalet 21.11.2022

Vedlegg i saken:

22.11.2022	2022 11 21 Protokoll - Alver kontrollutval	1839587
22.11.2022	2023 Møteplan - Alver kontrollutval	1839588

Arkiv: <arkivID><jpID> FE-216
JournalpostID:
Sakshandsamar:
Dato: 29.11.2022

Saksframlegg

Saksnr.	Utval	Møtedato
165/22	Alver kommunestyre	15.12.2022

Forvaltningsrevisjon - Økonomistyring i Alver kommune

Kontrollutvalet sitt framlegg til vedtak:

1. Kommunestyret sluttar seg til revisor sine tilrådingar i forvaltningsrevisjonsrapporten «Strategisk økonomistyring i Alver kommune» og ber kommunedirektøren om å:

- a. å innføre ein prosess for å få innspel frå avdelings- og tenesteleiarar om moglege utfordringar i høve system og rutinar.
- b. å gjennomføre ei arbeidsmiljøundersøking blant mellomleiarane i kommunen med særleg omsyn på opplevd arbeidspress.
- c. å tilby mellomleiarane auka støtte og opplæring i økonomifunksjonen
- d. å gjennomgå rutinane for synleggjering av driftskonsekvensar i investeringsvedtak med sikte på å tydeleggjere konsekvensane endå betre.
- e. å innfør detaljerte krav om KVV, KS1 og KS2 med forskjellig innslagspunkt i større prosjekt.

2. Kommunestyret ber om at kontrollutvalet får ei skriftleg tilbakerapportering om oppfølginga av tilrådingane innan tredje kvartal 2023.

Politisk handsaming

Saka skal avgjerast i kommunestyret

Vedlegg i saken:

29.11.2022	2022 11 21 Møteutskrift sak 72_22_Alver kontrollutval	1843739
29.11.2022	Alver - Rapport frå forvaltningsrevisjon av strategisk økonomistyring KS	1843738

Arkiv: <arkivID><jplID> FE-130
JournalpostID:
Sakshandsamar:
Dato: 30.11.2022

Saksframlegg

Saksnr.	Utval	Møtedato
162/22	Utval for areal, plan og miljø	07.12.2022
166/22	Alver kommunestyre	15.12.2022

Interkommunal plan for sjøareal i Nordhordland - Alver kommune - Høyringsuttale

Kommunedirektøren sitt framlegg til vedtak:

Kommunestyret tilrår at innspel som gjeld sjøareal, motteke som innspel under høyring av planprogram for kommuneplanen sin arealdel på land, vert sendt samla som innspel frå Alver kommune inn til arbeidet med Interkommunal plan for sjø.

Utval for areal, plan og miljø 07.12.2022:

Handsaming:

Sveinung Tofft-V sa seg ugild grunna medlemskap i arbeidsgruppa for utarbeiding av planen. Utvalet erklærte han samrøystes som ugild, og han deltok difor ikkje i handsaming av denne saka.

Orientering til saka v/Hans Kristian Dolmen-rådgjevar Plan og analyse
Kommunedirektøren sitt framlegg vart samrøystes vedteke.

APM- 162/22 innstilling:

Kommunestyret tilrår at innspel som gjeld sjøareal, motteke som innspel under høyring av planprogram for kommuneplanen sin arealdel på land, vert sendt samla som innspel frå Alver kommune inn til arbeidet med Interkommunal plan for sjø.

Politisk handsaming

Saka skal til høyring i utval for areal, plan og miljø og kommunestyret.

Saka gjeld

Interkommunal plan for sjøareal i Nordhordland er eit planarbeid som skjer i samarbeid mellom kommunane i Nordhordland. Planprogrammet for arbeidet vart vedteke av interkommunalt planutval i sak 03/21, 26.2.2021. Arbeidet er avgrensa til å gjelde sjøareal og framlegg til plan er no på høyring og offentleg ettersyn. Føremålet er å kunne vedta ein juridisk bindande arealplan for sjøareala.

Det presiserast at dette arbeidet held seg til sjø og avgrensa i flomålet. Prosessen syner fleire overgangstema mellom sjø og land. Arealdisponering for delar av sjøareala dels har ein klar samanheng med tilhøva og arealdisponering på land og ein treng samkøyring med planarbeidet for arealdelen på land i Alver som er i prosess.

I den pågåande høyringsperioden er alle dei deltakande kommunane oppfordra til å orientere politisk nivå og gjere politisk nivå kjent med innhaldet i framlegget til plan, innkomne innspel og konsekvensar knytt til desse. Det er ønskjeleg at innspel frå

kommunane som har vesentlege verknad for plandokumenta kjem no og det er føremålet med denne saka.

Framlegget til plan skal presenterast samla og det interkommunale planutvalet som styrer arbeidet har mandat til å utarbeide planprogram og framlegg til plan. Utvalet vil samanfatte alle innspel og i naudsynt grad gjere endringar og få utført utfyllande KU-vurderingar. Det er kommunestyret i den einskilde kommune som kan gjere bindande vedtak om arealbruk, og slutthandsaming skjer i Alver kommunestyre.

Saksopplysningar

Bakgrunn:

I dei seinare åra har bruk og interesse for dei nære sjøområde auka mykje og i dag er det arealpress og bruksinteresser på sjø som på land. Planlegging i sjøområda har heller ikkje hatt spesielt sterk fokus som kan understrekast med at ein overordna og samla rettleiar for planlegging i sjø først har vore på plass sida 2020.

I høve til plan- og bygningslova omhandlar dette planarbeidet hovudføremålet «Bruk og vern av sjø og vassdrag med tilhøyrande strandsoner» og omfattar underføremåla ferdsle, farlei, fiske, akvakultur og natur- og friluftsområde.

Transport på sjø, dei ulike fiskeria og villaks til dømes ser ikkje etter kommunegrensene. For å få betre effekt av framtidige tiltak har det har vore eit vilkår for planarbeidet at det skulle gjerast i samarbeid mellom fleire kommunar. Planarbeidet er difor organisert gjennom Nordhordland Regionråd og alle kommunar deltek i arbeidet.

Varsel om oppstart av planarbeid og planprogrammet var på høyring i perioden 5.3 – 10.5.2021. Det vart samstundes invitert til å kome med arealinnspel. Det er desse innspela som er konsekvensutgreia og tatt inn i framlegg til plan. Framlegget til plan er og ei samkøyring av plankart for heile planområdet og ei samanstilling av likelydande føresegn for alle deltakande kommunar.

Gjennom planarbeidet er det utarbeida eit sett med plandokument som omfattar kjeldegrunnlag, kunnskapsgrunnlag, planskildring, konsekvensutgreiing (KU) og risiko- og sårbarheitsanalyse (ROS), føresegn og plankart (alle vedlagt). Det må peikast på at plankart og særleg føresegna dels er ei samanstilling av arealplan frå 8 kommunar der same tema, bruk eller tiltak er utforma ulikt i føresegna.

Sakshistorikk

Arbeidet med Interkommunal plan for sjøareala i Nordhordland har sin forankring i tidlegare vedtak der Alver kommune sluttar seg til arbeidet. Det har undervegs vore orienteringar i næringsutval og utval for areal, plan og miljø.

Vurderingsgrunnlag

Dette planarbeid har sterke føringar knytt til både lovverk og nasjonale og regionale føringar. Plan- og bygningslova skal på den eine sida leggje rette for arealbruk, men her under og samordne andre interesser og omsyn.

Dette gjeld for mellom anna naturmangfald, friluftsliv, norske laksefjordar, akvakultur forureining og miljøkvalitet. Desse tema er styrt av ein rekkje lovverk og føringar, men ein kan særleg trekkje fram naturmangfaldslova, lakse- og innlandsfiskelova, akvakulturlova med tilhøyrande produksjonsforskrift og vassforskrifta. Den siste har direkte påverknad på utforming av framlegg til føresegn

Når det gjeld ferdsle, transport og navigasjonsinnretningar er det særleg Kystverket som mynde og Hamne- og farvasslova som er aktuell for dette arbeidet.

Den nye kommuneplanen for Alver kommune har og mål for både næringdrivande og bebuarar om bruk av sjø og sjønære areal.

Partar

Planarbeidet er eit interkommunalt samarbeid mellom Alver, Austrheim, Fedje, Gulen, Masfjorden, Modalen, Osterøy og Vaksdal med interkommunalt planutval og felles administrativ arbeidsgruppe.

I prosessen har ein i referansegruppe knytt til seg Statsforvaltar, Vestland fylke, Mattilsynet, Kystverket, Fiskeridirektoratet, Havforskningsinstituttet, Nordhordland næringslag, Naturvernforbundet, Bergen og omland friluftsråd mfl.


Kommunane si rolle har vore og bidra i organisasjonen av arbeidet, gje bidrag til kunnskapsgrunnlag og forming av plandokument og følgje opp med naudsynte administrative og politiske avklaringar og vedtak

Vurdering:

Planarbeidet strekk seg over ei stort og samansett planområde. Det er store skilnadar i topografien under vatn frå Modalen lengst inne til Fedje ytterst i havgapet. Straumtilhøve langs i kystområda og inn og ut av fjordane gjev eit komplekst bilete og djupe fjordbasseng med grunne tersklar påverkar vassutskifting. Desse faktorane bidreg til ein variert og mangfaldig flora og fauna under vatn.

Plan- og bygningslova skal samordne ulik bruk, ulike interesser og tilhøve til ulike nasjonale føringar. Dette gjeld mellom anna Vassdirektivet i EU som i Noreg følgjast opp med Vassforskrifta og som omfattar all bruk av vatn og har miljømål. Vestland vassregion er delt i 9 vassområde og der er eit for Nordhordland. Innanfor vassområda finn du vassførekomstar som mellom anna er kartlagte og definerte fjord- eller kystområde. Prosjektet finn det er rasjonelt å knytte innspel, planarbeid og tiltak til vassførekomstane og slik forme delar av plandokumenta.

Fig.1. Vassområde Nordhordland med vassførekomster og innspel



Innkomne innspel

Samla sett mottok ein under høyring til planprogrammet i overkant av 60 innspel. Alle desse er konsekvensutgreia og fordelte seg som synt i tab.1. Sjå elles vedlagte samla konsekvensutgreiing.

Tab.1. Alle enkeltinnspel og kor mange av dei som er tatt inn i plankartet oktober 2022

Samla vurderingar av enkeltinnspel		
16	20	26
Ingen eller få kjente vesentlege konsekvensar eller moglege konflikthar. Etter ei samla vurdering på tvers av alle tema vert innspelet tilrådd.	Middels konsekvens / noko konfliktpotensial / moderat måloppnåing for enkelte tema. Etter ei samla vurdering av alle tema vert konfliktgraden og utfordringa vurdert til å vere for høg til at innspelet kan tilråddast.	Klar negativ konsekvens / stort konfliktpotensial og/eller låg måloppnåing og/eller uakseptabel risiko for eitt eller fleire tema. Etter ei samla vurdering, der eitt eller fleire tema kan vere tungtvegande, vert innspelet ikkje tilrådd.
Desse 16 innspelsområda er foreslått som arealendring i plankartet	Av desse er 13 tatt inn i plankartet.	Av desse er 11 tatt inn i plankartet.

Alver kommune

b.Innspel i Alver kommune knytt til Interkommunal plan for sjø

1. Justert framlegget ved å endre og særleg redusere arealet slik at konfliktgraden med ma farlei vert redusert. Gjort i dialog med Kystverket som understrekar at deira tilbagemelding under vegs ikkje er bindande
2. For nokre areal er det i gjeldande arealplanar fremja plankrav under visse tilhøve
3. Omstrukturering av fjordområde som samla betrer driftstilhøve og fiskevelferd er mange einge om, men utfordrande å gjennomføre, i Alver eit døme i Austfjorden der 3 små akvaområde kan erstattast med 1 område (to forslag – må velje 1)
4. Der er tatt ut areal i gjeldande plan til dømes i Mangersfjorden
5. Der er framlegg til areal som ikkje er tatt inn

Mottekne innspel i Alver er gjeld dei tre underføremåla hamneområde, småbåthamn og akvakultur.

For å sjå nærare på dei einskilde innspela og KU-vurderinga visast det til vedlegget **«Vurderingstabell» med oversikt over alle innspel. Desse er rangert kommunevis og innspela for Alver (4631) finn ein frå s.22 til 65.**

Akvakultur	Samla vurdering		Totalt	Med i plan
	Gul	Raud		
Fjordområde (vassførekomst)				
Mangersfjorden-Radfjorden	1	5	6	0
Fensfjorden-Austfjorden-Hindnesfjorden	1	1	2	1
Osterfjorden-Romarheimsfjorden	1	1	2	0
Totalt	3	7	10	1

	Samla vurdering		Total	Med i plan
	Grøn	Gul		
Fjordområde (vassførekomst)				
Lurefjorden-Haukåsstraumen				
Småbåthamn/-anlegg	2	7	9	5

Når det gjeld arealinnspel knytt til akvakultur er det få innspel om gjeld heilt nye areal. Dei fleste gjeld arealutvidingar av gjeldande lokalitet begrunna med å forbetre produksjonstilhøve. Endring av biomasse i seg sjølv er ikkje ei vurdering som ligg til arealplan

Fleire innspel vart gjennom KU-vurderinga kategorisert som raud og i utgangspunktet ikkje aktuell for å ta inn i framlegget til plan. Det vart i ettertid gjort ei ny vurdering saman med Kystverket og basert på lokalkunnskap. Dette gjorde at nokre innspel fekk endra KU-status og er tatt inn i framlegget. Sjå nærare om dette i planskildringa kap. 7, s.45-48.

Avbøtande tiltak i denne nye vurderinga har vore:

- Justert framlegget ved å endre og særleg redusere arealet slik at konfliktgraden med ma farlei vert redusert. Gjort i dialog med Kystverket som understrekar at deira tilbagemelding under vegs ikkje er bindande
- For nokre areal er det i gjeldande arealplanar fremja plankrav under visse tilhøve
- Omstrukturering av fjordområde som samla betrer driftstilhøve og fiskevelferd er mange einge om, men utfordrande å gjennomføre, i Alver eit døme i Austfjorden der 3 små akvaområde kan erstattast med 1 område (to forslag – må velje 1)
- Der er tatt ut areal i gjeldande plan til dømes i Mangersfjorden
- Der er framlegg til areal som ikkje er tatt inn

I botn ligg vidare at kommunen har eit heilskapleg ansvar etter plan- og bygningslova om og samordne interesser og bruk:

- Kommunen har heilhetleg ansvar
 6. Naturmangfald, klima- og miljøpåverknad og endring
- Produksjonsområdet for oppdrett er i raud sone
 7. Såkalte «Trafikklyssystemet» er førande (raud, gul, grøn sone)
 8. Nedtrekk i produksjon vil halde fram om ein fortsett som i dag
- Krav om å halde ved like eller ikkje forverre miljøtilstand
 9. Framtidsretta krav
 10. Stimulere til endring i teknologi (tette/utsleppsrie anlegg)
- Synlege miljøomsyn i arealplanen
 11. Kan gje aksept eller toleranse for produksjon og næringa generelt

b. Innspel i Alver kommune knytt til oppstart kommuneplanens arealdel (KPA) på land

Varsel om oppstart av planarbeid og planprogrammet var på høyring i perioden 15.6 – 15.9.2022. Det vart samstundes invitert til å kome med arealinnspel.

Gjennom høyring av planprogram har ein motteke eit knippe innspel som gjeld sjøareal og administrasjonen vil tilrå at desse vert sendt som eit samla innspel frå Alver kommune inn til arbeidet med Interkommunal plan for sjø og handtert vidare der

Tema akvakultur og plan

Det interkommunale planarbeidet er generelt retta mot sjø, men mykje av problemstillingane gjeld korleis ein i plansamanheng skal handtere areal for akvakultur. Det utarbeida kunnskapsgrunnlaget syner at miljøbelastninga i fjordsystema eller vassførekomstane er stor og dels for stor. Den samla belastninga er samansett og det er på inga måte nokon rask eller enkel løysing for å betre tilhøva.

Gjennom planprosessen har ein samtala og diskutert med ulike partar med sin


ståstad,

Prosessen og arbeidet med sjøplanen synleggjer ei rekkje tilhøve som bør takast fatt i, men langt dei fleste av desse ligg utan for det vi løysar i ein arealplan. Slik sett bør ein sjå på arbeidet med ein sjøplanen som eit samlande og felles utgangspunkt.

Dei tilhøva knytt til akvakultur som arealplan særleg kan handtere er arealdisponering og rammer eller føringar som ligg i føreseigna. Når det gjeld arealdisponering er framlegget til plan konservativt og «føre var» om ein vil. Kunnskapsgrunnlaget og KU- vurderinga slår fast at miljøbelastninga er stor og det er lite areal tilgjengeleg når ein legg tradisjonell drift med opne merder (anlegg) til grunn.

Når det gjeld føreseigna er det særleg to grep som på kvar sitt vis kan bidra til ei tydlegare handtering. Den eine gjeld kommunen sitt samla og heilskaplege ansvar knytt til miljøtilhøve og dei tidlegare nemnde miljømåla som ligg til Vassforskrifta. Vassforskrifta er nasjonal og forpliktar kommunen til å ta i vare vassmiljø frå høgste fjell og ut mot havet. Uavhengig av notilstanden er det avgjerande at planarbeid eller tiltak som kan bidra til at ein ikkje når miljømål eller at miljøtilstanden i vassførekomsten vert forverra ikkje kan gjerast.

Fig.2. Økologisk tilstand og vassførekomst



Dette omsynet er i føreseigna tatt inn på generelt grunnlag for alle typar planarbeid og tiltak i pkt. 2.3.2 og særskilt knytt til akvakultur i pkt. 3.1.9. Ein gjer merksam på at dette tilhøvet gjeld like mykje på land som i eller på sjø.


Det andre koplinga som ikkje er gjort tidlegare i plansamanheng i området er i pkt. 3.1.9 b). I oversikta er akvakulturlokalitet, tillate art, produksjonsvolum og vassførekomst kopla saman. Det bør kunne gje ei betre oversikt og føreseieleg handtering knytt til spørsmål kring arealstorleik for det einskilte anlegg, produksjonsvolum og tilhøve til miljømål for den aktuelle vassførekomsten.

Tilhøve knytt til temaet akvakultur er nærare omtalt i kunnskapsgrunnlaget (s.89–103) og planskilddinga (s.40-42).

Tema natur- og friluftsområder

Gjennom dialog i planprosessen og innspela har vi fått ei rekkje synspunkt knytt til natur- og friluftsområde. Framstillinga i framlegget til plankart er i all hovudsak basert på gjeldande registreringar og kartleggingar. Fleire av desse gjeld ønskje om å ta i vare natur- og friluftsområde eller ønskje om å sikre moglegheit for å leggje til rette for ålmenta å fremje føremålet.

Fig.3. Naturtypar, verneområde og friluftslivsområde



Midt i utsnittet er Lurefjorden marine verneområdet. Dette tema utgjør ein vesentleg del av kunnskapsgrunnlaget. Sjå nærare omtale i kunnskapsgrunnlaget (s.12-72) og planskildringa (s.19-25).

Tema hamn, småbåthamn, småbåtanlegg og brygger

Rammene for føringar knytt til hamn og båtanlegg kjem frå tre hovudføremål når det gjeld arealplan. Hovudføremål nr.1 «Busetnad og anlegg» gjev føringar for småbåtanlegg og brygger (pkt. 3.3. i føresegna) medan nr. 6 «Bruk og vern av sjø og vassdrag» gjev rammene for hamn og småbåthamn (sjå pkt. 3.1.3 - 3.1.7 i føresegna). Hamn og utbyggingar er og tema under eit tredje hovudføremål nr.2 som gjeld «Samferdsleanlegg og infrastruktur» og alle knytt til pbl §11-7.

Når det gjeld område for **hamn og småbåthamn (nr.6)** er desse tydelege og det er eit skilje mellom tiltak som kan skje etter utarbeiding av reguleringsplan og moglege tiltak som på vilkår kan skje utan regulering (sjå pkt. 3.1.7 i føresegna). Døme på regulert område kan vere Littlebergen småbåthamn og marina.

I høve til hovudføremål **nr.2 om samferdsleanlegg** og infrastruktur har desse ein annan funksjon en dei to andre nemnde. Dette gjeld til dømes for fergekai med tilhøyrande tiltak og hamneområde som naturleg reknast inn under dette føremålet (sjå føresegna pkt. 3.2).

For hovudføremål **nr.1 om «Busetnad og anlegg»** vert det litt ulikt. Småbåtanlegg og brygger er i mange høve del av ein reguleringsplan som gjeld både for areal på land og ut i sjø. Ofte til dømes eit felt for bustad eller fritidsbustad der hovudføremålet er bustad medan småbåtanlegget meir høyrer med som eit tilbod til bebuarar.

I høve til mindre tiltak på sjø og i strandsona har vi i framlegget søkt å skilje tydelegare mellom areal som på land er lagt ut til «Busetnad og anlegg» og LNF-område. Når det gjeld areal som på land er avsett og tatt i bruk til busetnad og anlegg er det oftast både gjort KU-vurdering og gjennomført infrastrukturtiltak som tilkomst og moglegheit for parkering. På gitte vilkår meiner arbeidsgruppa i planarbeidet at det kan vere eit rom for tiltak som forbetrar tilhøva i det aller næraste sjøarealet, lettar tilgangen mot sjø og ferdsle langs sjø eller i strandsona. Sjå pkt.3.3.1 i føresegna.

For areal i sjø som ligg opp til landareal som har føremål LNF vil et mogleg handlingsrom vere vesentleg mindre og dei føringane ein er vant med knytt til LNF søker ein ikkje å utfordre. Det er likevel tatt med moglegheit for gjennomføring av tiltak knytt til friluftsområde som oftast ligg i LNF-område.

Uffordringar ein ikkje løysar i arealplan

I arbeidet med arealplanen meiner arbeidsgruppa og ha avdekkja ulike interesser, tema og tilhøve som ikkje kan løysast i ein arealplan aleine. Dette er tilhøve som

særleg rettar seg til akvakulturnæringa. Det vert eit feil å bruke for mykje fokus på desse tilhøva her, men tydeleg ramme i arealplan knytt til arealbruk og ivaretaking av miljøtilstand er to av fleire verktøy som må verke saman over tid. Ein mogleg handlingsplan og strategiarbeid vidare vil måtte påverke fleire ulike faktorar på ulike nivå.

Økonomiske konsekvensar

Arealplanlegging av sjøareal har moglegvis ikkje direkte økonomiske konsekvensar for kommunen.

- Etablering av næringsverksemd

Med bakgrunn i dei overordna nasjonale og regionale mål og satsingar som ligg føre skal kommunane leggje til rette for utvikling og verdiskaping i sjø og kystnæreareal. Berekraftig utvikling og næringsetablering er eit satsingsområde

- Havbruksfondet

Planmessig tilrettelegging og utvikling av næringsareal knytt til akvakultur løysar ut midlar til kommunane frå havbruksfondet

Miljømessige konsekvensar

Kommunane har eit heilskapleg ansvar for å samordne arealbruk og ulike bruksinteresser. Kunnskapsgrunnlaget knytt til sjøareala gjer synleg at det ikkje står heilt bra til med sjøområda våre. Det er fleire kjelder til forureining, noko kjem frå land og noko er transport langvegs frå. Anna gjeld avlaupsutslepp frå land og organisk avfall frå oppdrettsanlegg, det er mao fleire tilhøve og arbeide med.

Når det gjeld bruken av sjø kjem vi ikkje frå at mykje bokstaveleg talt samlast på botn og vi legg til grunn at det er i alle brukargruppene si interesse at miljøtilstanden i vassførkomstane vert forbetra.

Risiko

Alle vurderingar er basert på kjent kunnskap i offentlege register, og opplysningar som er samla (sjå ma vedlegg «Kjelden»). Få av kjeldene er komplette og kvaliteten og alderen på data kan variera. Det er ikkje tatt stilling til når registreringane for ulike tema er gjort. Kunnskapsgrunnlaget skal stå i rimeleg høve til plannivået, og det er trong for meir detaljert kunnskap ved til dømes ein reguleringsplan.

Det vil alltid vera ein grad av usikkerheit knytt til risikovurdering. Tilgang på relevant kunnskapsgrunnlag i form av til dømes statistikk og erfaring frå tilsvarande situasjonar, vil kunne påverke usikkerheit. For ein del typar hendingar, inkludert hendingar der sannsyn vert påverka av klimaendringar, vil det også vera usikkert i kva grad historiske data kan nyttast for å seia noko om framtida.

Vurdering av særskilte grupper

Planarbeidet har så langt ikkje gjort vurderingar knytt til spesielle brukargrupper. Gjennom referansegruppene som tar del i arbeidet er fleire paraplyorganisasjonar representert og slik sett er mange aktuelle på overordna nivå informert.

Kommunedirektøren si oppsummering og tilråding

Arbeidet med interkommunal plan for sjøareal i Nordhordland strekk seg over eit stort planområde og 8 kommunar. Målsettinga er å samordne bruk og interesser knytt til sjøareal i heile regionen. Under hovudføremålet «Bruk og vern av sjø og vassdrag med tilhøyrande strandsoner» er det ei rekkje underføremål. Desse er skildra i eit fylldig kunnskapsgrunnlag og tilhøyrande plandokument.

Fjord- og kystområda strekk seg over kommunegrensene og ein har lagt til grunn at arbeidet kna vere krevjande, men rasjonelt å gjer saman. Samarbeidet har og som målsetting om ei meir tydeleg og føreseieleg forvaltning på fleire vis:

- Meir effektiv og føreseieleg sakshandsaming
- Heilskapleg dialog med nærings- og miljøinteresser
- Heilskapleg dialog med overordna styresmaktar
- Felles kunnskapsbase som kan nyttast av alle
- Danne grunnlag for berekraftig verdiskaping
- Grunnlag for framtidig samarbeid om arealbruken i sjøområda

Alver kommune har vidare i sak 157/22, 24.11.2022, vedteke planprogram for kommuneplanen sin arealdel på land. Gjennom høyring av planprogram har ein motteke innspel som gjeld sjøareal.

Kommunedirektøren tilrår at desse vert sendt samla som innspel frå Alver kommune inn til arbeidet med Interkommunal plan for sjø og vert vurdert i dette planarbeidet

Planmateriale er omfattande og oversikt og tilgang finn ein:

<https://regionnordhordland.no/artikkel/Hoeyring-og-offentleg-ettersyn---Plan-for-sjoearal>

Vedlegg i saken:

30.11.2022 IKP Sjø NH Høyringsbrev

1844895

Arkiv:

<arkivID><jplID>
PlanID-1263201902,
Plannavn-
Birkelundstunet,
Komnr-4631,
GBNR-172/14, FA-
L13, HistSak-
19/1001 LK

JournalpostID:

Sakshandsamar:

Dato:

22.11.2022

Saksframlegg

Saksnr.	Utval	Møtedato
152/22	Utval for areal, plan og miljø	07.12.2022
167/22	Alver kommunestyre	15.12.2022

Detaljreguleringsplan for Birkelundstunet gbnr. 172/14. PlanID 1263-201902 - 2. gongs handsaming

KOMMUNEDIREKTØREN SITT FRAMLEGG TIL VEDTAK:

«Alver kommunestyre godkjenner framlegg til detaljreguleringsplan for Birkelundstunet, PlanID 1263-201902, som vist på plankart sist datert 16.06.2022 og med føresegner av revisjonsdato 10.10.2022.

Vedtaket er gjort med heimel i plan- og bygningslovas § 12–12.»

Utval for areal, plan og miljø 07.12.2022:

Handsaming:

Kommunedirektøren sitt framlegg vart samrøystes vedteke.

APM- 152/22 innstilling:

«Alver kommunestyre godkjenner framlegg til detaljreguleringsplan for Birkelundstunet, PlanID 1263-201902, som vist på plankart sist datert 16.06.2022 og med føresegner av revisjonsdato 10.10.2022.

Vedtaket er gjort med heimel i plan- og bygningslovas § 12–12.»

Saksopplysningar:

Bakgrunn


På oppdrag frå Seim Eiendomsutvikling AS legg proESS AS fram forslag til detaljreguleringsplan for Birkelundstunet gbnr. 172/14. Planområdet ligg omtrent 10 km frå Knarvik, storleiken er på om lag 3,3 daa og omfattar ein del av området nord for Seim skule, jamfør kartutsnitt under.

Planområdet har i dag eksisterande bebyggelse, og består av ein einebustad. Området rundt er spreidd bebygd og ubebygd. Det finnst både konsentrerte og frittliggande bustadar i området. Seim Skule med ein idrettsplass ligg like sør for planområdet, og like nord

for området finn ein barnehage, naustbebyggelse og Seimsfjorden. Nærområdet har eit flatt kystlandskap med ein andel strandflatar og låge åsar med skog, lynghei og noko jordbruksland.

Planen sitt formål er å leggje til rette for bustadbebyggelse. Ein ønskjer å leggje til rette for 3 nye bygg, med inntil 4 bueiningar i kvart bygg. Desse vil vere over to bustadetasjar, samt parkeringskjellar i bygg 2 og 3. I tillegg legg ein til rette for naudsynt infrastruktur, leikeareal og uteopphaldsareal. I overordna plan, kommunedelplan for Lindås 2019-2031 (KDP-L), er området avsett til bustad.

Tiltakshavar for denne reguleringsplanen står som eigar for gbnr. 172/14. Eksisterande bygg på eigedomen er markert i plankartet med stipla line i bygningen sin diagonal, som vil tilseie at dei er planlagt rive.



Kort om planforslaget

Planforslaget legg til rette for 3 bygg med 4 bustadeiningar i kvart bygg. Til saman 12 bustadar. Bebyggelsen er planlagt med to bustadetasjar, med ei maksimal tillaten mønehøgde frå gjennomsnittleg terrengnivå på 9 meter. Planområdet er tilrettelagt med ein tillaten %-BYA på 35%.

Leik- og uteopphaldsareal er sikra i planen. Planforslaget viser til ein lokal leikeplass, f_BLK, innanfor planområdet på 230 m². Felles uteopphaldsareal for planområdet er på 844 m², samt det er lagt til rette for minst 10 m² privat uteareal på balkong eller markterrasse for kvar bueining. I dette planforslaget er høvet mellom storleiken på leikeplass og felles uteopphaldsareal justert. Konsulent har greia dette godt ut i planomtalen punkt 6.11, og den totale mengda areal til leik og uteopphaldsareal er i samsvar med overordna plan.

Åtkomst til planområdet frå det overordna vegnettet skjer via kryss mellom Fuglevikvegen og fylkesveg 5474. Vidare vil åtkomst til bustadane frå Fuglevikvegen verte i henhold til reguleringsplan. Det er opparbeida fortau i området i samsvar med reguleringsplan for Seim Skule med utbetring av FV 402 (No FV 5474). Det er sikra 1,5 biloppstillingsplass og 1 sykkeloppstillingsplass per bueining i føresegnene til reguleringsplanen.

Vidare føreligg det krav om godkjent massehandteringsplan før igangsetjing til dei ulike bygga i føresegna, samt VA-rammeplan er utarbeida og godkjent.

For nærare opplysningar om planforslaget vert det vist til planomtalen og saksframstilling til 1. gongs handsaming i APM, som ligg vedlagt saka.

Offentleg ettersyn og høyring

Planforslaget var til 1. gongs handsaming i Utval for areal, plan og miljø (APM) 01.09.2021, som sak 125/21. APM vedtok då å leggje planforslaget ut til offentleg ettersyn i medhald av Plan- og bygningslova §12-11, samtidig som utvalet bad om at det før offentleg ettersyn av planforslaget skulle følgjande vilkår vere oppfylt:

1. Kvalitetar i RpBo#1 og RpBo#2 som inviterar til sosialt samvær for menneske i ulike aldersgrupper, skal i planframlegget sine føresegner vere sikra opparbeidd før det vert gjeve bruksløyve for tilhøyrande bygg.
2. Ein HC-parkeringsplass skal vere innarbeidd og sikra i planforslaget, og vere utforma og reservert for rørslehemma.
3. Vurderinga av naturmangfaldloven §§ 8-12 skal reviderast, spesielt med tanke på forskrift om det marine verneområdet Lurefjorden og Lindåsosane.
4. Innhald i vilkår 1, 2 og 3 må vere sendt til kommunen for godkjenning innan 01.03.2022. Om satt tidsfrist ikkje vert oppretthaldt, vil plansaka bli avslutta utan vidare kommunal sakshandsaming.

Planforslaget var til offentleg ettersyn og høyring i tidsrommet 28.09.2021 – 10.11.2021. Det kom ingen merknader til planforslaget frå private grunneigarar/naboar, medan det kom inn 8 uttalar frå offentlege høyringsinstansar. Vidare vart det sendt 2 administrative tilbakemeldingar til planforslaget etter høyringsperioden. Merknadene vil bli gjennomgått og kommentert/vurdert i vurderinga under.

Vurdering

Administrasjonen viser til sine vurderingar av saka som kjem fram i saksframlegget til 1. gongs handsaming av planen.

I samband med offentleg høyring og ettersyn kom det til saman 8 uttalar og merknader til planforslaget, samt 2 administrative tilbakemeldingar i etterkant av offentleg ettersyn og høyring. Forslagsstillar har oppsummert og kommentert desse. Nedanfor er Kommunedirektøren si vurdering av uttalane lagt til oppsummeringa/kommentarane frå forslagsstillar:

<u>Merknad</u>	<u>Forslagsstillar sin kommentar</u>	<u>Kommunedirektøren si vurdering</u>
Statsforvaltaren Datert 09.11.21 Foreløpig innspill: a) Krever komplett ROS-analyse. b) Oppdatering av	a) ROS-analyse er utarbeidet og vedlagt revidert planforslag. b) Referansetekst i støyvurderingen er	a) ROS-analyse er revidert i dialog med administrasjonen. b) Støyvurdering er oppdatert i tråd med

støyvurderingen med korrekt forskriftsversjon.	oppdatert og vedlagt (10.02.22)	tilbakemeldinga.
Vestland Fylkeskommune Datert 10.11.21 a) Mener at siktlinjer mangler. b) Rekkefølgekrav - fortau må opparbeides før IG	a) Siktlinjer for felles avkjørsel har hele tiden vært regulert inn i plankartet. Siktsonen er tilpasset siktkrav mellom avkjørsel og fortau med 3 x 35 meter. Siktsonen er regulert innenfor byggeformål på vanlig måte. Siktlinjen er også regulert og er forlenget frem til senter kjøreveg. b) Fortau langs planområdet er ferdig opparbeida pr i dag på en måte som vurderes som tilfredsstillende jf. eget notat som vurderer Fuglevikvegens og fortauets beskaffenhet og trafiksikkerhet. Ikke behov for rekkfølgekrav	a) Siktsonen har vore og er innlemma i plankartet. Siktline for avkjørselen er innregulert med 3x35 meter målt i forhold til fortauskant. Dette tilsvara ei siktlinje på 6x54 meter frå køyrebanevegkant. b) Fortau som er regulert i planforslaget er allereie opparbeida. Det er difor ikkje naudsynt med rekkfølgekrav for opparbeiding av fortau.
Statens vegvesen Datert 08.11.21 a) Er kritisk til at Fuglevikvegen ikke har vegbredde nok til at 2 kjøretøy kan møtes. Ser for seg at fortau vil bli benyttet som kjøreareal, særlig i anleggsperioden. b) Rår til å ta inn føresegn vedr. søknad om avkjørselsøyve etter veglova.	a) Statens vegvesens håndbok N100, og Byggforsk, gir i sine veiledere anbefalinger vedr. hvordan boligveger skal utformes for å gi lav fart og god trafiksikkerhet. Vurdering vedr. dette er gjort i vedlagt notat – inkludert vurdering av kvalitet på vegareal – Fuglevikvegen. Planføresegnene har ny føresegn som skal sikre ivaretagelse av myke trafikanter i anleggsperioden samt sikre at anleggstrafikk ikke bruke fortau som kjøreareal. b) Man vurderer at dette forholdet blir ivaretatt ved kommunens egen praksis og man har derfor valgt å ikke implementere en slik føresegn.	a) Tiltakshavar har utarbeidd eit notat for intern veg langs planområdet, og for det vidare byggefeltet langs Fuglevikvegen. Kommunedirektøren stiller seg bak vurderingane som er gjort i dette notatet, og vurderer løysinga for Fuglevikvegen, som ei løysing med god trafiksikkerheit. b) Det er ikkje naudsynt å inkorporere eit føresegn i planen angående søknad om avkjørselsøyve. Dette er krav som er satt i veglova og plan- og bygningslova.
Alver kommune – Byggesak Datert: 10.11.21 Vurderer at bygg vil komme innenfor faresone for høyspent.	Våre målinger viser at bygninger ikke var plassert innenfor faresonen tidligere. Endring i ettertid er at alle høyspentledninger som kan påvirke byggeområdet, nå er fjernet og plassert i	Kommunedirektøren stettar tiltakshavar sin kommentar.

	Fuglevikvegen. Luftledningen som er inntegnet i grunnkartet over planområdet ble fjernet lenge før første gangs innsending av planforslaget som beskrevet tidligere. I ettertid er også luftledningen som gikk i retning nordvest gjennom naboområdet Nilshøyen tatt ut av drift og fjernet. Vi viser til omtale i ROS-analysen. Plankartet har ikke lenger faresone for høyspentledninger siden byggeområdene ikke lenger er påvirket av høyspentledninger.	
Alver kommune – Brannvern Datert 28.09.21 a) Nok vannmengde for slukkevann må dokumenteres. b) Dokumentere at oppstillingsplass for brannbil har tilfredsstillende avstand 50 meter. Råd for menneske med nedsett funksjonsevne Datert 11.10.2021 a) Det må koma meir enn den eine plassen for HC-parkering, som det er lagt opp til. b) På alle parkeringsplassane må det vera opplegg for å lada el-bil. c) Bustadane må utformast på ein måte som gjer at dei det er aktuelt for kan søkja om startlån frå Husbanken. d) I det minste alle bustadane i 1. etasje må vera universelt utforma, og ha trinn- og terskelfri inngang.	a) VA-planen dokumenterer dette. b) proESS viser avstand til veg og vurderer dette nærmere i ROS-analysen. a) Vi vil her nevne at det i praksis er tilgjengelig til sammen 2 hcp p-plasser i illustrasjonsplanen. Dette fordi den ene p-plassen er plassert like ved åpent kjøreareal, slik at her i praksis er god plass til både bak- og sideinnlasting og bruk som Hc-p-plass. b) Opplegg for lading av elbil avklares i byggesak. Ønsker ikke krav i planføresegnene, men utbygging blir i samsvar med kommunens praksis. c) Ønsker ikke å stille krav i planføresegnene til at bygget skal gi mulighet for husbanklån. Avklares i forbindelse med prosjektering for byggesak. d) Det er allerede tilrettelagt for tilgjengelige boenheter i 1. etg jf. planbeskrivelse pkt. 6.10. TEK17 sikrer dette forholdet.	Kommunedirektøren stettar tiltakshavar sin kommentar. a) Talet HC-parkeringsplassar er i tråd med KDP-L. b) Det føreligg eit krav i KDP-L at 10% av alle parkeringsplassar i region- og nærsenter skal vere lagt til rette for el-bilar. I KDP-L 2019-2031 er Lindås, Ostereidet, Knarvik og Alversund definert til å falle under dette kravet. Det er difor vurdert at det for denne planen ikkje føreligg eit krav om tilrettelegging for lading av elbil. c og d) Stettar tiltakshavar sin kommentar.
NGIR	Gir generell info.	

Datert 08.10.21 NVE Datert 08.10.21 <u>Administrativ</u> <u>tilbakemelding</u> Alver kommune v/Plan- og byggesak Datert 03.06.22 1) ROS-analyse: ber om at flere punkt i ROSanalysen blir beskrive, dvs hvorfor tema ikke er relevant. 2) Føresegner: a) Endre føresegn 2.8 – kreve ansvarsbelegging av geoteknikk. b) Korrigere støyføresegn til tabell 2/ T1442/2021. c) Sikre at fortau blir justert der det no er forsenking. Alver kommune v/Vegavdeling. Datert 07.06.22 1) Vurdering av Fuglevikvegen: Ber om justering av vurdering ihht. egen vurdering av trafikkmengde. Ber om at barnehagetraffikk blir beregnet. 2) Ber om at fortau blir justert der det no er forsenking - ved rekkefølgekrav. 3) Ber om siktlinjer til ny avkjørsel og formålet anna veggrunn i siktsona. 4) Vurderer at 12 boenheter vil kreve 24 søppeldunker og at det må settes av plass til dette.	Gir generell info. <u>Forslagsstillar sin kommentar</u> 1) ROS-analyse er oppdatert jf. Tilbakemelding. 2) Alle 3 merknader er ivaretatt i føresegnene. 1) Vurdering av Fuglevikvegen er oppdatert i samsvar med informasjon vedr. ÅDT og beregnet trafikk til/fra barnehage. 2) Krav om justering av fortau er ivaretatt i føresegner. 3) Siktlinjer og siktsoner er regulert inn i plankartet på vanlig måte. Siktlinjene er beregnet i forhold til krav til sikt for fortau jf. omtale i planbeskrivelsen. Det er normalt ikke behov for å regulere inn vegareal i siktsonen, og dette er heller ikke ønskelig her. 4) Som omtalt i planbeskrivelsen tilrettelegger planen for felles avfallsdunker for beboerne i området. Dette betyr at det må settes av plass til 3 x 2 avfallsdunker med str på hhv 660 og 400 liter. Dette er også hva som er vist på illustrasjoner som følger planforslaget. Planføresegnene stiller også krav til at dersom anna løysing enn den som det er tilrettelagt for i denne planen skal nyttast, skal avtale med renovasjonsselskapet som	<u>Kommunedirektøren si vurdering</u> Tilbakemeldingar frå administrasjonen ved plan- og byggesak er følgt opp i plan. 1 og 2) Stettar tiltakshavar sine kommentarar. 3) Det er ikkje sett som naudsynt å regulere anna veggrunn i frisktsonene. Frisktsona sitt formål med å sikre fri sikt, er sikra i føresegn 5.1. 4) Kommunedirektøren ser på areal til avfallsdunker som sikra i planforslaget.
--	---	---

	beskriver godkjent løysing leggast fram ved søknad om tiltak.	
--	---	--

Oppfølging av vilkår satt ved 1. gongs handsaming:

Vilkår 1:

«Kvalitetar i RpBo#1 og RpBo#2 som invitera til sosialt samvær for menneske i ulike aldersgrupper, skal i planframlegget sine føresegner vere sikra opparbeidd før det vert gjeve bruksløyve for tilhøyrande bygg.»

Definerte kvalitetar, som miniamfi, område for bålpanne og sitteplassar i bestandige materialar som er berekna på å stå ute under alle vêrforhold over mange år, er sikra i føresegn 3.4 – 3.4.4.

Vilkår 2:

«Ein HC-parkeringsplass skal vere innarbeidd og sikra i planforslaget, og vere utforma og reservert for rørslehemma.»

Sikra i føresegn 2.1, siste setning: «Det skal etablerast minst 1 HC-parkeringsplass innanfor planområdet.» Vidare er det skissert ei løysing i illustrasjonsplanen som viser at det er mogleg å få plassert ein HC-parkeringsplass innafor planområdet.

Vilkår 3:

«Vurderinga av naturmangfaldloven §§ 8-12 skal reviderast, spesielt med tanke på forskrift om det marine verneområdet Lurefjorden og Lindåsosane.»

I planomtalen kapittel 8.6, er vurderinga av naturmangfaldloven §§ 8-12 revidert. Forskrift om det marine verneområdet Lurefjorden og Lindåsosane er inkludert i vurderinga.

Barn og unges interesser

Innafor planområdet er det avsett ein lokalitet for leik og samvær. Vidare er felles og privat uteopphaldsareal sikra i detaljreguleringsplanen sine føresegner. Både arealstorleik, kvalitetar, opparbeiding og tilsåing av uteopphaldsareala er sikra. Framtidige bebuarar vil òg ha kort avstand til nærliggande barnehage, idrettsanlegg og skule, der tilkomst med fortau er opparbeidd. Kommunedirektøren vurderer at denne planen tek i vare barn og unge sine interesser.

Folkehelse

Bustadarealet er sentralt plassert på Seim. Det er kort avstand til skule, idrettsanlegg og barnehage, som alle har tilkomst via fortau. Reguleringsplanen er plassert i eit område som er under utvikling, med ein variert bustadstruktur. Vidare har ein i reguleringsplanen sikra viktig leik og uteopphaldsareal, med kvalitetar som skal invitere til sosial bruk.

Vidare har plankonsulent i arbeidet med reguleringsplanen laga eit skriv som bekreftar at planforslaget kan løyse universell tilgjengelegheit i tråd med TEK 17. Seinare i prosessen vil TEK 17 sikre relevante krav.

Naturmangfald

Naturmangfaldslova (nml.) § 7 krev at prinsippa ved §§ 8-12 skal leggast til grunn som retningslinjer ved utøving av offentlig myndigheit som kan råke naturmangfaldet. Plankonsulent har gjennomført ei vurdering av naturmangfaldslova §§ 8-12, i kapittel 8.6 i

planomtalen.

Nml. § 8 Kunnskapsgrunnlaget.

I følge nml. § 8 skal kravet til kunnskapsgrunnlag stå i rimeleg forhold til saka sin karakter og risiko for skade på naturmangfaldet. I dette arbeidet har plankonsulent nytta seg av eksisterande kunnskap, og føretatt søk i databasar som held rede på artars bestandssituasjon, naturtypar sin utbreiing og økologiske tilstand.

Ved søk i «Miljøstatus i Norge», er det ikkje funne at det er registrert nokon form for mangfald innafor planområdet. Søket har gjeve negativt resultat i alle kategoriar, som tilseier *ingen registrerte forhold*.

Planområdet er lett tilgjengeleg og sentralt plassert mellom eksisterande bebyggelse. Plankonsulent har vurdert at det føreligg tilstrekkeleg kunnskap om naturmiljøet innafor planområdet i databasen som er vurdert, og kommunedirektøren fell på same vurdering.

Birkelundstunet er derimot plassert i det ein kan karakterisere som influensområdet til det marine verneområdet til Lurefjorden og Lindåsosane. Forskrifta til dette marine verneområdet sitt formål er å ivareta eit unikt fjord- og pollsystem, med blant anna førekomstar av biologisk mangfald. Verneformålet er knytt til vassøyla og sjøbotnen.

Planområdets plassering er omtrent 130 meter frå fjorden, og tilrettelegg ikkje direkte for fysiske tiltak eller inngrep i vatn eller sjøbotnen. Rammeplanen for VA og overvatn, som følgjer planforslaget, tilrettelegg for at alt spillvatn for planområdet leiast til kommunal spillvassledning, som er tilkopa eksisterande reinseanlegg. Plankonsulent vurderer det krevjast dispensasjon for å føre nytt spillvatn til eksisterande reinseanlegg.

Overvatn er planlagt samla opp og leda i retning aust og med utslepp til sjøen. Plankonsulent vurderer at overvatn frå bustadområdet ikkje vil gje forureining til sjøen.

Nml. § 9 – Føre-var-prinsippet.

Dette prinsippet omhandlar at det skal takast sikte på å unngå mogleg vesentleg skade på naturmangfaldet, om det ikkje føreligg tilstrekkeleg kunnskap om kva verknadar den kan ha for naturmiljøet. Etter vurderinga i nml. § 8, ser kommunedirektøren på kunnskapsgrunnlaget som tilfredsstillande, og det er heller ikkje registrert mangfald av natur eller artar i planområdet. Plankonsulent vurderer at det ikkje kan påvisast effektar av tiltaket på trua, nær trua eller verdifull natur. Kommunedirektøren stettar denne vurderinga.

Nml. § 10 – Økosystemtilnærming og samla belastning.

Plankonsulent viser til at planområdets plassering, med eksisterande bebyggelse tett på, viser at utbygging ikkje vil medføre særleg anna belastning på økosystemet enn eksisterande bebyggelse allereie har medført. Planlagt bruk av området vil endre lite på påverknad for influensområdet i forhold til dagens situasjon. Kommunedirektøren stettar plankonsulent sine vurderingar knytt til nml. § 10.

Nml. § 11 – Kostnadane ved miljøforringelse skal bærast av tiltakshavar.

Plankonsulent vurderer at naturmangfaldet i området ikkje vert påført ein type skade som medføre miljøforringelse som følge av utbygging/påbygging, sidan planområdet allereie er utbygd samt er plassert mellom eksisterande byggeområder.

Kommunedirektøren stettar plankonsulent sine vurderingar knytt til nml. § 11.

Nml. § 12 – Miljøforsvarlege teknikkar og driftsmetodar.

Plankonsulent vurderer at planlagt utnytting av området er i samsvar med gjeldande plan. Og at ein difor ikkje har vurdert alternativ lokalisering, driftsmetode eller teknologi.

Planforslaget er i tråd med overordna kommunedelplan, og det er difor forstått at det skal gjerast utbyggingsarbeid i området. Kommunedirektøren vurderer at prosjektet ikkje er av ein storleik som krev teknikkar og driftsmetodar utover det som er vanleg for eit bustadprosjekt. Planføresegna har sikra at det skal utarbeidast ein massehandteringsplan for kvart bygg som

blir omsøkt, og at denne skal vere godkjent før igangsetjingsløyve blir gjeve.

Som denne gjennomgangen viser, har plankonsulent gjort ei vurdering av nml. §§ 8-12 i planarbeidet. Då det ikkje er registrert mangfald innad i planområdet, vurderer kommunedirektøren at det ikkje er naudsynt med avbøtande tiltak.

Nml. §§ 4 og 5 – Forvaltningsmål.

Vidare er det sett forvaltningsmål for naturtypar, økosystem og artar i nml. §§ 4 og 5.

Kommunedirektøren vurderer, med grunnlag i planomtalen kapittel 8.6 og vurderinga i dette saksframlegget, at gjennomføring av føreslått reguleringsplan ikkje vil stride mot forvaltningsmåla §§ 4 og 5 i nml.

Økonomi

Planforslaget vil ikkje direkte utløyse behov for utbetring av kommunaltekniske anlegg, og inneheld ikkje arealformål avsett til offentleg bruk og overtaking.

Konklusjon

Vi sluttar oss til hovudformålet bustadbebyggelse og det planfaglege grepet i planforslaget. Forslaget til detaljregulering vurderast å være tilfredsstillande og anbefalast vedtatt.

Vedlegg i saken:

29.11.2022	1. Birkelundstunet_Plankart_16.06.22	1838396
29.11.2022	2. Birkelundstunet_Føresegner_10.10.22_k	1838397
29.11.2022	3. Birkelundstunet_Planomtale_18.11.22	1838398
29.11.2022	4. Birkelundstunet_Risiko og sårbarhetsanalyse_12.10.22	1838399
29.11.2022	5. Birkelundstunet_Illustrasjonsplan_11.05.22	1838400
29.11.2022	6. Birkelundstunet_MUA_Plan_11.05.22	1838401
29.11.2022	7. Birkelundstunet_Terrengsnitt og vegprofil_04.03.21	1838402
29.11.2022	8. Birkelundstunet_NOTAT_ Vurdering Fuglevikvegen_16.06.22	1838403
18.11.2022	9. Birkelundstunet_Støyvurdering_10.02.2022	1838404
29.11.2022	10. Birkelundstunet_Rammeplan for VAreVB2 med kartvedlegg	1838405
29.11.2022	11. Birkelundstunet_Merknadsskjema_12.10.22	1838406
29.11.2022	12. Birkelundstunet_Oppstartsmelding med vedlegg	1838407
29.11.2022	13. Birkelundstunet_Innspel til oppstartsmelding	1838408
18.11.2022	14. Birkelundstunet_Statsforvalteren_Dispensasjon fra vernereglar	1838409
29.11.2022	15. Birkelundstunet_Føresegner_101022_Viser_endringar	1838410
29.11.2022	16. Birkelundstunet_Samla uttaler frå offentleg ettersyn 2	1838411
18.11.2022	17. Birkelundstunet_Saksframlegg med vedtak 1.ghs_010921	1838412

Arkiv: <arkivID><jpID> FE-234, FA-Q00
JournalpostID:
Sakshandsamar:
Dato: 21.11.2022

Saksframlegg

Saksnr.	Utval	Møtedato
168/22	Alver kommunestyre	15.12.2022
151/22	Utval for areal, plan og miljø	07.12.2022

Saksframlegg - Søknad om trafikksikringsmidlar frå Vestland fylkeskommune

Kommunedirektøren sitt framlegg til vedtak:

Kommunestyret godkjenner at det vert søkt om tilskot frå Vestland fylkeskommune sine trafikksikringsmidlar til å dekke inntil 50% av kostnadene som er stipulert for tiltaka som er lista opp i saksutgreiinga. Kommunal eigendel blir dekket av investeringsbudsjettet for trafikksikringstiltak i 2023. Kommunen dekkjer evt overskytande kostnad etter anbodsinnhenting.

Utval for areal, plan og miljø 07.12.2022:

Handsaming:

Kommunedirektøren sitt framlegg vart samrøystes vedteke.

APM- 151/22 innstilling:

Kommunestyret godkjenner at det vert søkt om tilskot frå Vestland fylkeskommune sine trafikksikringsmidlar til å dekke inntil 50% av kostnadene som er stipulert for tiltaka som er lista opp i saksutgreiinga. Kommunal eigendel blir dekket av investeringsbudsjettet for trafikksikringstiltak i 2023. Kommunen dekkjer evt overskytande kostnad etter anbodsinnhenting.

Politisk handsaming

Saka skal til innstilling i utval for areal, plan og miljø
Saka skal avgjerast i kommunestyret

Saka gjeld

Saka gjeld tiltak Alver kommune kan søkje tilskot til i samband med trafikksikringstiltak langs kommunal veg og fylkesveg. Det kan sendast søknad om tilskot til trafikksikringstiltak dersom Vestland fylkeskommune lyser ut søknadsmidler for 2023, og dersom investeringsmidlar til trafikksikringstiltak blir sett av i kommunens budsjett.

Mindre tiltak som ligg temaplan for tafikksikring er løyst. Større tiltak krev auka midlar, og her kan fylkeskommunale tilskotsmidlar bidra til at fleire behov blir løyst. Revidering av trafikksikringsplanen står for tur. Saka blir lagt fram for politisk behandling, då dei tiltaka kommunedirektøren legg fram er ikkje forankra i politisk godkjente dokument.

Utvalet skal ikkje vurdere kostnaden med tiltaka då det som vert foreslått er budsjettert til å ligge innanfor dei økonomiske rammene som er foreslått for mindre trafikksikringstiltak i 2023.

Saksopplysningar

Bakgrunn:

Årleg lyser Vestland fylkeskommune ut at kommunane kan søkje om tilskot til mindre trafikktryggingstiltak langs kommunal veg og fylkesveg. Søknadsfristen pleier å vere 1. januar. Utlysinga har ikkje kome ut for 2023 enno, men kommunedirektøren ynskjer å vere i forkant slik at vi er klar til å søkje om det kjem ei utlysing for 2023. Alver kommune pleier å søkje om tilskot til eit eller fleire mindre fysiske tiltak ved desse utlysningane.

Førre års kriterier er å finne på <https://www.vestlandfylke.no/fylkesveg/trafikktryggleik/fysisk-trafikktrygging/>

Tiltaka kommunen søker tilskot til skal vere enkle og kostnadseffektive løysningar som direkte medverkar til å auke trafikktryggleiken. Tiltak retta mot mjuke trafikantar, særleg barn og eldre, samt tiltak som reduserer risiko for møte- og utforkøyringsulykker vert prioritert. Ein kan og få tilskot til gang- og sykkelveg som ikkje ligg langs køyreveg.

Kriteria er:

- Krav til kommunal eigenandel på minimum 50%.
- Oppdatert trafiksikkerhetsplan

Søknadsummen er budsjettert sum og kommunen må sjølv dekke ei eventuell overskriding av budsjettet. Fylket dekkjer inn til 50% av søknadsummen. Tiltaka skal enten vere forankra i trafiksikkerhetsplan eller vere politisk godkjent.

Med bakgrunn i at forslag til investeringsbudsjett for 2023 er på kr 650.000, er det begrensa kva tiltak ein kan søkje tilskot til. Det er pr. i dag ingen tiltak i Alver kommune sin temaplan for trafiksikkerhet som ligg innanfor gjeldane rammer.

Kommunedirektøren ynskjer å foreslå nokre områder kor vi ser at det er behov for tiltak og at desse tiltaka vil kunne løysast med tilskot frå fylkeskommunen.

Behov

Kommunedirektøren sitt forslag til tiltak og prioritering:

1. Kantsikring på dei bruene kor inspeksjon avdekkjer størst behov.
2. Grusa gangsti i terreng frå Dyrhovden til Ostereidet skulane.
3. Kort fortau ved Knarvik barnehage for å sikre prioritet for mjuke trafikantar
4. Utbetre fortau langs Eidavegen for å få samanheng på den kommunale vegstrekinga mellom fylkesvegen i Lindsdalen og Ostereidet skulane.

Prioritet 1 og 2 vil kvar for seg nytte heile den økonomiske ramma til mindre trafiksikkerhetstiltak saman med tilskot.

Prioritet 3 og 4 kan begge løysast innfor ramma i budsjettet om ein får tilskot til begge tiltaka.

Meir om tiltaka:

Prioritet 1:

Det er mange område i Alver kommune kor det er behov for enkle tiltak som kan gjere at innbyggjarane føler seg litt meir trygge langs dei kommunale vegane. Kantsikring er eit av desse områda.

Det er mellom anna behov for å utbetre betongkantar over vegbruer og kulverter med vassføring som i dag ikkje er tilfredstillande verken for mjuke trafikantar eller bilistar. Det pågår ein hovudinspeksjon på alle bruer langs kommunal veg, denne er ferdig i desember 2022. Då får vi ei oversikt over kor stort omfanget er og kva som må prioriterast. Kommunedirektøren vil

vurdere ut frå inspeksjonsresultatet kva tiltak som bør prioriterast med fokus på trafikkmengde og nærleik til skule.

Eksempel på dårlige kantar på vegbruer/kulverter:




Prioritet 2:

Dyrhovden er eit byggefelt som berre ligg nokre få hundre meter frå skulane på Ostereidet. Elevane her kunne lett gått til skulen, men vegen er svært smal og utan vegskulder. Elevane får difor skyss med skulebussen frå Bjørsvik som går forbi.

Vegen er regulert med fortau i reguleringsplan for Eikhovden, men kor tid og om denne vert realisert er usikkert. Det kan med enkle grep langast ein grusa sti gjennom terrenget (synt med blå strek i kartet) kor elevane trygt kan gå til skulen utan å bevege seg i trafikken. Stien kan leggst på ein slik måte at den delvis vil følgje ein sti som ligg der i dag og resterande kan etablerast på ein slik måte at den ikkje vert til hinder for framtidig utbygging av Eikhovden.


Alver kommune er grunneigar nærmast skulen kor delar av ein slik sti vil gå. Resten vil ligge på privat grunneigar. Kommunen har kontakta denne grunneigaren som har bedt om å få tilsendt ei eventuell løysing for vurdering og dialog om det vert planar om ei slik løysing.

Foreslått løysing på kor stien kan leggst:



Prioritet 3:

Det er mange som kvir seg for å krysse vegen ved Knarvik barnehage då det pga mangel på parkeringsplassar ofte står bilar langs kommunevegen ved avkøyrsla til barnehagen sin parkeringsplass. Dette kan betrast ved å lagge eit kort fortaustrekk (grøn markering) på motsatt side av dagens fortau. Ved å legge nedsenka kantstein, vil det vere tilrettelagt for kryssing i samband med allereie etablert fartshump.



Prioritet 4:

Området innanfor skya er svært udefinert og har eit stort krysningsfelt mellom fortau og gang-/sykkelveg. Her er det behov for utbetring for å lage ein sikrare kryssing for mjuke trafikantar. Fortauet innanfor heiløe det blå feltet er i dårleg stand. Ny kantstein og breidde bør vurderast. Det er regulert fortau langs fylkesvegden i Eidavegen (Lindsdalen). Ved å utbetre strekninga langs kommunevegen mot skulen, vil det vere ein god samanheng mellom busshaldeplass ved senteret og skulane/ idrettsanlegg/ barnehage og kyrkje når Lindsdalen er ferdig.



Økonomiske konsekvensar

Finansiering: Budsjett skal ligge innanfor dei økonomiske rammene i budsjett for 2023 og evt. tilskot frå Vestland fylkeskommune. Kommunen forskoterer kostnaden ved eventuell tildeling og får utbetalt tilskot ved innsending av slutttrapport.

Tiltaka er sett opp i prioritert rekkefølge. Dersom kommunen får tildelt midlar, vil tiltaka bli gjennomført i same rekkefølge, og innafor totalramma i det endelege investeringsbudsjettet. I 2022 har det vore liten kapasitet til å gjennomføre større trafikksikringstiltak. Dersom unytta investeringsmidlar blir overført til 2023 vil kommunen kunne gjennomføre fleire tiltak.

Risiko

Mindre overskridingar av budsjett må dekkast av Alver kommune

Kommunedirektøren si tilråding

Kommunen søker om tilskot for tiltaka over med den prioritering som er foreslått ut frå dei økonomiske rammene som vert tildelt for 2023.

Arkiv: <arkivID><jplID> FA-M20
JournalpostID:
Sakshandsamar:
Dato: 24.11.2022

Saksframlegg

Saksnr.	Utval	Møtedato
127/22	Alver formannskap	01.12.2022
169/22	Alver kommunestyre	15.12.2022

Birkeland - Hella vassleidning

Kommunedirektøren sitt framlegg til vedtak:

Kommunestyret vedtek å auke ramma for Birkeland Hella vassleidning (prosjekt 34050) frå 16,2 mill. kr til 26,4 mill. kr. Auken på 10 mill. kr vert finansiert med 10 mill. kr i auka bruk av lånemidlar. Prosjektet er knytt til sjølvkostregnskapen.

Auken er lagt inn i budsjett 2023 og økonomiplan 2023 – 2026 som skal til politisk handsaming i desember 2022

Alver formannskap 01.12.2022:

Handsaming:

Kommunedirektøren sitt framlegg vart samrøystes vedteke.

FO- 127/22 innstilling:

Kommunestyret vedtek å auke ramma for Birkeland Hella vassleidning (prosjekt 34050) frå 16,2 mill. kr til 26,4 mill. kr. Auken på 10 mill. kr vert finansiert med 10 mill. kr i auka bruk av lånemidlar. Prosjektet er knytt til sjølvkostregnskapen.

Auken er lagt inn i budsjett 2023 og økonomiplan 2023 – 2026 som skal til politisk handsaming i desember 2022

Politisk handsaming:

Saka skal til innstilling i formannskap
Saka skal avgjerast i kommunestyret

Saksopplysningar

Prosjekt Birkeland Hella har ein forventa auke i prosjektkostnader på 10 mill. kr. Auken har tidlegare vore kommunisert munnleg til formannskapet som ein del av rapportering på investeringsprosjekta. I utgangspunktet var 5 mill. kr av auken planlagt finansiert av driftsbudsjett, då arbeidet besto av utskifting av eksisterande leidningsnett. Denne vurderinga har vist seg å ikkje stå seg. Fornyng av leidningsnettet medfører ein vesetleg kvalitetsforbetring og må førast som ein del av investeringsrekneskapen.

Den resterande auken på 5 mill. kr er knytt til prisstigning og vart ikkje lagt inn i økonomiplanen som var til politisk handsaming i september saman med dei andre investeringsprosjekta.

På grunn av sein avklaring i prosjektet, vart det ein vesentleg prisstigning ved endeleg kontraktsinngåelse samanlikna med tidlegare kalkylar. Prisstigning i prosjektet har vore på over 30% og differansen mellom opprinnelig kalkulert prisstigning og faktisk prisstigning utgjer 5 mill.

kr.

Auken er lagt inn i budsjett 2023 og økonomiplan 2023 – 2026 som skal til politisk handsaming i desember 2022.

Materialer er kjøpt inn, men prosjektet har ikkje starta opp pt.

Økonomi

	Opphøveleg budsjett	Endringar i 2. tertial rapport	Auke i denne saka knytt til prisauke og auke investering	Framlegg om nytt totalbudsjett
Ramme inkl usikkerheit	12500	3700	10000	26200
Overført frå prosjekt 34051 Ishuset Hella - Birkeland		3700		
Prisauke			5000	
Utsifting av eksisterande leidningsnett			5000	

Arkiv: <arkivID><jplID> FA-M40
JournalpostID:
Sakshandsamar:
Dato: 24.11.2022

Saksframlegg

Saksnr.	Utval	Møtedato
128/22	Alver formannskap	01.12.2022
170/22	Alver kommunestyre	15.12.2022

Manger reinseanlegg

Kommunedirektøren sitt framlegg til vedtak:

Kommunestyret vedtek å auke ramma for Manger reinseanlegg frå 36 mill. kr til 38,5 mill. kr. Auken på 2,5 mill. kr er knytt til avløpsdelen av prosjektet (prosjektnummer 35029).

Framdrifta på prosjektet noko endra, og budsjettamma i 2023 vert overført til 2022.

Auken i investeringa vert finansiert med auka bruk av lånemidlar. Prosjektet er knytt til sjølvkostregnskapen.

Alver formannskap 01.12.2022:

Handsaming:

Kommunedirektøren sitt framlegg vart samrøystes vedteke.

FO- 128/22 innstilling:

Kommunestyret vedtek å auke ramma for Manger reinseanlegg frå 36 mill. kr til 38,5 mill. kr. Auken på 2,5 mill. kr er knytt til avløpsdelen av prosjektet (prosjektnummer 35029).

Framdrifta på prosjektet noko endra, og budsjettamma i 2023 vert overført til 2022.

Auken i investeringa vert finansiert med auka bruk av lånemidlar. Prosjektet er knytt til sjølvkostregnskapen.

Politisk handsaming:

Saka skal til innstilling i formannskap
Saka skal avgjerast i kommunestyret

Saksopplysningar

Mykje av arbeidet i dette prosjektet vert utført som endringsmeldingar/ kontraktsarbeid. Årsaka til at det ikkje er avtalt fastpris på heile arbeidet, er fordi det ikkje var mogleg å utarbeide godt nok grunnlagsmateriell/innmålingar/ og oversyn over registrerte leidningar før ein starta arbeidet under bakken.

I kalkylen på prosjektet er det lagt inn føresetnader knytt til forventa kvalitet på eksisterande leidningsnett og lagt inn estimert høgdefall på leidningsnett.

Når arbeidet starta og kvaliteten på eksisterande leidningsnett vart identifisert, syntte det andre høgder enn estimert og dårlegare kvalitet enn forventa på eksisterande anlegg. Dette har resultert i at vi har måttet forlenga fleire av leidningstraseane for å oppnå riktig høgde for sjølvfall på leidningane. Fleire eksisterande leidningstrekk er i så dårleg forfatning at dei må

erstattast av nye rørstrekk. Desse elementa var ikkje med i grunnlagsmateriellet frå starten av.

Sjølve renseanlegget, som er eit nytt bygg, ligg innanfor ramma. Det er sjølve grøftearbeida som utgjer ei kostnadsauke i prosjektet.

Auken i prosjektkostnad skuldast i tillegg til meirarbeid knytt til grøftearbedet, ein prisstinging på 30%. Prisstigninga var ikkje medrekna i den opprinnelige kalkylen.

I budsjett og økonomiplan 2023 – 2026 er det lagt inn budsjett i 2023 på avløpsdelen. Budsjettet i 2023 er i denne saka foreslått flytta til 2022, og etter vedtak i denne saka, vil budsjettet for 2023 bli korrigert. Kommunedirektøren justerer dette i budsjettet for 2023 og rapport per 1. tertial 2023 vil fange denne flyttinga opp.

Økonomi

	Budsjett 2021	budsjett 2022 og 2023	Ny ramme for 2022 og 2023 i sak 117/20	Ny ramme for 2022 og 2023 i sak 91/22	Endring i denne saka	Framlegg om nytt totalbudsjett 2021 - 2023
Ramme inkl usikkerheit	3 000	20 000	25 000	33 000	2 500	38 500
Ekstraarbeid grøfter, kummer og eksisterande anlegg avløp					2 500	

Prosjektet er venta ferdigstilt årsskiftet 2022/2023.

Arkiv: <arkivID><jplID> FE-232, TI-&13
JournalpostID:
Sakshandsamar:
Dato: 07.12.2022

Saksframlegg

Saksnr.	Utval	Møtedato
171/22	Alver kommunestyre	15.12.2022

Høyring - grunnrenteskatt på havbruk

Kommunedirektøren sitt framlegg til vedtak:

- Saka blir lagt fram til politisk drøfting.

Kva saka gjeld:

- I denne saka skal Alver kommune gje ein uttale til høyringa om grunnrenteskatt på havbruk. Høyringsfristen er 4. januar 2023.

Saksutgreiing

Bakgrunn og fakta

Finansdepartementet har sendt ut ei høyring på forslag om å innføre grunnrenteskatt på havbruk med verknad frå 1. januar 2023. Høyringsfristen er 4. januar 2023.

Forslaget omfattar produksjon av laks, ørret og regnbueørret og inneber at grunnrenta skal skatteleggjast med ein effektiv sats på 40 prosent. Det er foreslått at reglane blir utforma slik at berre dei største aktørane vil betale grunnrenteskatt. Det skal skje ved at det blir føreslått eit botnfrådrag på mellom 4000 til 5000 tonn, tilsvarande høvesvis 54 og 67,5 mill kr. Botnfrådrag vil gjelde alle aktørar. Det blir føreslått vidare at skatten blir utforma som ein kontantstraumsskatt, det vil seie at inntekter og investeringar blir skattlagt løpande i det året dei blir opptjent. Ein sentral del av forslaget er at lokalsamfunn som stiller naturressursar til disposisjon, skal sikrast ei del av grunnrenteinntekta.

Vurdering

Alver kommune er med i Nettverk Fjord- og kystkommunar, deira uttale til høyringa er lagt ved saka. Elles legg kommunedirektøren saka fram til politisk drøfting.

Vedlegg i saken:

08.12.2022	høringsnotat - grunnrenteskatt på havbruk	1848175
08.12.2022	20221125 Høringsuttalelse grunnrenteskatt_nettnetk NFKK	1848174

Arkiv: <arkivID><jplID> FE-000, TI-&13
JournalpostID:
Sakshandsamar:
Dato: 07.12.2022

Saksframlegg

Saksnr.	Utval	Møtedato
172/22	Alver kommunestyre	15.12.2022

Inntektssystemet for kommunane NOU 2022-10 – høyring

Kommunedirektøren sitt framlegg til vedtak:

Merknader:

Alver kommunestyre har følgjande merknader til endringar i inntektssystemet for kommunane:

Utvalet foreslår å utjamne nokre av kommunane sine inntekter knytt til eigedomsskatt, men ikkje alle – og i tillegg vil utvalet at desse inntektene også skal fordelast til kommunar som ikkje har utnytta eiga potensiale for inntekter knytt til eigedomsskatt. Dette er Alver kommune kritiske til.

Vi står framfor store utfordringar knytt til det grøne skifte. Det er av avgjerande betydning at dei kommunane som avstår areal, til lands og til vanns, får trygghet for at dei får langsiktig kompensasjon for dette bidraget til storsamfunnet og beheld desse.

Omsynet til likeverdige tenester mellom kommunane må vektleggast, slik at det vert større grad av utjamning mellom kommunane – utjamning av skatt bør aukast til nær 100 %.

Alver kommune gir sin tilslutning til nasjonalt sette satser på inntekt og formue – lik skatt uavhengig av adresse i Noreg.

Det lokale sjølvstyret må kunne handtere eigedomsskatten og kunne fastsetje intervallet for promillesats, slik det var i 2019.

Ordninga med ressurskrevjande tenester må verte gjennomgått. Det øyremerkte tilskotet for ressurskrevjande tenester (toppfinasieringsordninga) må treffe meir presist og heilskapleg for kommunane – slik at naudsynte tenester vert inndeckt og likeverdige tenester sikra. Inntil dette er gjennomført, meiner Alver kommune at PU-vektiga ikkje endrast.

Politisk handsaming

Saka skal avgjerast i kommunestyret

Kommunane har fått på høyring inntektssystemutvalet sin gjennomgang av inntektssystemet for kommunane. Kommunedirektøren har trekt ut og kommenterer vesentlege område for Alver kommune.

Vedlegg:

«Inntektssystemet for kommunene» [NOU 2022: 10 \(regjeringen.no\)](#)

Arkiv: <arkivID><jplD> FE-000
JournalpostID:
Sakshandsamar:
Dato: 23.11.2022

Saksframlegg

Saksnr.	Utval	Møtedato
124/22	Alver formannskap	01.12.2022
173/22	Alver kommunestyre	15.12.2022

Eigarskapsmelding del 1

Kommunedirektøren sitt framlegg til vedtak:

Eigarskapsmelding del 1. vedtakast.

Alver formannskap 01.12.2022:

Handsaming:

Framlegg frå L.Johnsen-MDG:

Styrkje og erstatte siste setning i pkt 1 17 prinsipp for eigarstyring (side 8)
FN sine berekraftmål skal inkluderast i selskapa sine strategiar og ein skal arbeide aktivt med å følgje dette opp i dagleg drift.

Framlegget fekk 3 røyster og fall (L.Johnsen-MDG, M.I.Wergeland-SP og S.Sekkingstad-SP)

Kommunedirektøren sitt framlegg vart samrøystes vedteke.

FO- 124/22 innstilling:

Eigarskapsmelding del 1. vedtakast.

Politisk handsaming

Saka skal til innstilling i formannskapet

Saka skal avgjerast i kommunestyret

Bakgrunn

Saka har vore til drøfting i formannskapet og dei gjorde følgjande vedtak:

FO- 116/22 Vedtak: Saka tas til orientering med følgjande ending: Punkt om Selskap- og utbyttepolitikk - Mål på effektivitet, setning 2 endrast til: For selskap der det føreligg andre spesifikt definerte mål, og som ikkje opererer i ein marknad, vil forventet avkastning kunne erstattast av andre mål, som å levere på det spesifikke formålet for selskapet.

I vedlagde Eigarskapsmelding del 1, er teksten frå vedtaket innarbeida.

Kommunar har stor fridom til velje korleis dei vil organisere kommunen sin verksemd. Når kommunen vel å organisere deler av verksemda i til dømes aksjeselskap eller interkommunale selskap, vert verkemidla for folkevalde sin styring og kontroll endra. Kommunestyret får da ei rolle som eigar og må styre gjennom selskapa sine eigarorgan.

Kommunelova set krav om at kommunestyret, minst ein gang i kvar valperiode skal handsame eigarskapsmeldinga. Eigarskapsmeldinga skal innehalde: prinsipp for eigarstyring, oversikt over selskap, føretak og andre verksemdar kommunen har eigarinteresse eller tilsvarande interesser i.

Vurdering

Alver kommune har eigarskapsmelding, utarbeida i 2019. Denne tilfredstillar mange av krava i kommunelova, men det er kommentert i denne at Alver kommune sine forventningar vert å kome attende til.

KPMG har gjennomført eigarskapskontroll: «Generell eigarstyring» og kome med nokre punkt til forbetringar, mellom anna (Saksnr 004/22 Alver kommunestyre):

- Utarbeide retningslinjer som set føringar for korleis valkomiteen skal kome fram til innstillingar til styremedlem i kommunale eigde selskap
- Fleire konkrete råd i samband med strategiprosess for eigarstyring
- Utarbeide eigarskapsmelding for Alver kommune i løpet av valperioden i tråd med krav i kommunelova
- Gjere ein gjennomgang av dei registrerte opplysningane o KS styrevervregister, samt oppdatere styreverva som manglar i Styrevervregisteret
- Nedfelle prinsipp for omfang og gjennomføring av eigarmøte for selskapa
- Fylgje opp at selskapa kommunen har eigarskap i reviderer etiske retningslinjer
- Fylgje opp at selskapa kommunen har eigarskap i jamleg reviderer etiske retningslinjer
- Fylgje opp at selskapa kommunen har eigarskap i har rutinar for vurdering og handtering av habilitet.

Vedlagde framlegg til Eigarskapsmelding (Del 1) gjer mynde frå kommunestyre til formannskap som eigarutval. Formannskapet, ordførar og administrasjonen/eigarskapssekretariat får tydeleggjort oppgåvene om å følgje opp ovanfor nemnde punkt, minus punkta om KS Styrevervregister.

Administrasjonen har sikra at alle folkevalde kan registrere sine interesser i KS Styrevervregister, men sjølve registreringa og kontroll av eigne opplysningar, må gjerast av den einskilde representant. Når eigarskapsmeldinga er endeleg vedteken vil registeret også gjerast tilgjengeleg for styremedlemmane med fleire.

Det er nokre prinsipielle vurderingar som administrasjonen vil gjere spesielt merksam på, kor det er mogleg å gjere andre val:

- I innleiinga, peiker vi på at Eigarskapsmeldinga (Del 2) vert handsama årleg, som del av årsmeldinga til kommune. Ver merksam på at dette vil vere tal som er eit år gamle, rekneskapstal for selskapa i år 2020 vil verte handsama saman med kommunen sine tal frå 2021. Dette skuldast at selskap har frist til juli med å rapportere rekneskap og årsmelding.
- Under Eigarutvalet sin rolle og mynde, viser kommunestyret til at det er formannskapet som skal fungera som eigarutval.
- Styret sin rolle og ansvar: Vi anmoder selskapa å tegne styreforsikring.
- Styrehonorar: Dette punktet er ikkje naudsynt å ta med, men om kommunestyret ynskjer å ha meining om dette, bør avsnittet vere med.

Administrasjonen har ikkje dedikerte ressursar til å utføre oppgåvene knytt til eigarsekretariat, men må delast mellom tilgjengelege ressursar. Ambisjonsnivået bør reflektere omfanget av eigarskap og tilgjengelege ressursar. Ansvar for oppfølging av dei administrative oppgåvene/eigarsekretariat vert lagt til assisterande kommunedirektør. Arbeidet med å følgje opp eigarskapsmeldinga tek til umiddelbart, men kommunestyret må rekne med at neste

valperiode vert nytta til å innarbeide prinsippa og ambisjonane.

Eigarskapsmelding (Del 1) er tenkt nytta som «oppslagsverk» for folkevalde, administrasjon, styremedlemmar og andre som har interesse for kommunalt eigarskap. Den vert rullert i kvar valperiode, men det er tenkt at hovudtrekka har lang gyldigheit og at endringane vert få, mellom kvar handsaming.

Når kommunestyret har handsama saka knytt til eigarsaksmeldinga, vert denne oversendt kontrollutvalet, som del av deira sakshandsaming.

Vedlegg i saken:

03.11.2022	Anbefalinger-om-eierskap-F41-web	1828504
24.11.2022	Eigarskapsmelding del 1 - Alver kommune 30.6.22	1840989
03.11.2022	KO sak 004-22 Rapport frå eigarskapskontroll - Generell eigarstyring	1828506
24.11.2022	Eigarskapsmelding Alver kommune 2019	1840988
08.12.2022	Eigarskapsmelding - uttale ND - lagt ved til KO	1848701
15.12.2022		

Arkiv:

<arkivID><jpID>
FA-F31

JournalpostID:

Sakshandsamar:

Dato:

08.12.2022

Saksframlegg

Saksnr.	Utval	Møtedato
174/22	Alver kommunestyre	15.12.2022

Busetting av flyktningar i 2023

Kommunedirektøren sitt framlegg til vedtak:

Kommunestyret godkjenner å busette 180 flyktningar i 2023 tråd med oppmodingar frå IMDI. Vedtaket inkluderer ikkje familiesameinte.

Kommunestyret er positiv til å busette fleire flyktningar enn oppmodingstalet for 2023, men ber om ny sak om dette skulle bli aktuelt.

Alver kommune er ikkje bedt om å busette einslege mindreårige. Kommunestyret ber om ny sak om IMDI kjem med oppmoding om dette.

Politisk handsaming

Saka skal avgjerast i kommunestyret

Bakgrunn

Kvart år oppmodar Integrerings- og mangfaldsdirektoratet (IMDI) kommunar om å busette eit bestemt tal flyktningar i det komande året. Oppmodingstalet er sett ut i frå nasjonale prognosar for trong for busetting.

2022 var eit ekstraordinært år som fylgje av situasjonen i Ukraina. Alver kommune vedtok å busette 180 flyktningar i tråd med oppmodinga frå IMDI. Oppmodinga frå IMDI i 2022 var tufta på eit estimat på 35.000 flyktningar til Norge. Estimatet for 2023 er lagt på same nivå som for 2022 og Alver kommune er bedt om å busette 180 flyktningar også i 2023. Oppmodingstalet inkluderer ikkje familiesameinte.

I brevet frå IMDI står det at estimatet for 2023 er særst usikkert. IMDI ber difor kommune ta høgde for at busettingstalet kan endrast. IMDI skriv «I året som kjem vil kommunane nok ein gong spele ei nøkkelrolle i korleis Noreg handterer den største masseflyktsituasjonen i vår tid».

IMDI ber om tilbakemelding frå kommunane på fylgjande fem punkt:

1. Det må kome tydeleg fram av vedtaket kor mange flyktningar kommunen vedtek å busette i 2023.
2. Vi oppfordrar kommunane til å fatte vedtak i tråd med talet det er oppmoda om.
3. Vedtaket må ikkje inkludere familiesameinte eller innehalda anna reservasjonar
4. Vi ber også om ei vurdering av kor mange flyktningar (herav einslege mindreårige) kommunen poteniselt kan busette i 2023 viss behovet aukar.
5. Vidar ber vi om ei vurdering frå kommunen om kva som skal til for å oppretthalda

ein høy kapasitet for busetting i kommunen.

Det er venta at det framleis vil vere særleg kvinner, barn og eldre flyktningar frå Ukraina som vil kome til Noreg. Det betyr at kommunale tenester retta mot desse gruppene må ha tilstrekkeleg kapasitet – til dømes bustader, skule- og barnehageplassar, vaksenopplæring og helsetenester, samt introduksjonsprogram.

Det føl finansiering med kvar flyktning kommunen busett. Finansieringa er meint å skulle dekke dei kostnadene kommunane har ved busetting. Kommunen mottok støtte for kvar busett flyktning i fem år. <https://www.imdi.no/tilskudd/integreringstilskudd/>

Vurdering

Alver kommune har per dags dato busett 195 flyktningar i 2022.

Kommunedirektøren vurderer at Alver kommune har arbeidd godt med busettingsarbeidet i 2022. At så mange private huseigarar var villige til å leige ut vart heilt avgjerande for at Alver kommune kunne busette i tråd med oppmodingstalet for 2022. Kommunen vil og i 2023 være avhengig av den private bustadmarknaden for å kunne møte busettingstalet. Det er vanskeleg å gje ei konkret vurdering av kor mange av dei nye flyktningane som kan husast i private bustader og kor mange kommunale bustadar som kan frigjerast til formålet. Kommunen må og vurdere å investere i nye bustader.

Det har vore eit prinsipp i bustadarbeidet å ta i bruk heile kommunen. Hadde busstilbodet vore betre kunne kommunen nytta fleire bustader som i dag ikkje er nytta. Vi vil ta kontakt med Skyss for å leggje fram denne problemstillinga. Kommunedirektøren legg vekt på at vi neste år som i år må arbeide med ulike løysingar parallelt med tilkomsten av flyktningar. Vi må være forberedt på å nytta midlertidige løysingar og ta høgde for at fleire må rekne med å bu trongt.

Det er etablert eit godt apparat som arbeider rundt tenestene og det er sett i verk gode rutinar for oppfølging av flyktningane. Dei flyktningane som kommunen no får oppmoding om busette, er i all hovudsak flyktningar frå Ukraina. Vi må ta høgde for rundt 20-30 overføringsflyktningar.

Kommunedirektøren vil understreke at det er kompetanse i organisasjonen til å busette og integrere flyktningar. Kapasitet må byggjast opp i samsvar med oppmodingstal og vedtak i kommunestyret. I løpet av inneverande år har vi i tillegg til å styke samarbeidet mellom ulike avdelingar som er omfatta av flyktningarbeidet, etablert eige migrasjonsteam. NAV Alver opplever stort engasjement i alle ledd i kommunen i arbeidet med å busette og inkludere flyktningar. Sentrale aktørar som til dømes skule, barnehage, helse, bustadkontor, teknisk er oppteken av det føl ressursar med oppgåvene som fylgjer med busettingsarbeidet. Det er ofte er trong for ekstra innsats særleg i den første fasen av busettingstida.

Det har vore stort trykk på vaksenopplæringa slik at det har vore lang venting på oppstart på norskundervisning. Vaksenopplæringa vil tilpasse drifta i 2023 i samsvar med behovet.

Helsemyndighetene reknar med at fleire av dei flyktningane som kjem i 2023 er meir merka av krigen enn dei flyktningane som alt er komen. Det er venta at trong for helsetenester aukar. Presset på helsetenester vil og auke då fleire av våre busette flyktningar frå Ukraina melder at dei vurderer å hente ut eldre familiemedlemmer.

Busette flyktningar har auka born i barnehagar og skular. Totalt sett er det bra kapasitet i barnehagar og skular i Alver kommune, men situasjonen varierer mellom skulane. Vi vil leggje vekt på å så langt det er mogeleg å styre busettinga slik at det tilpassast ledig kapasitet.

Det er vanskeleg å gje eit eksakt tal på kor stor kapasitet Alver kommune har utover oppmodingstalet. Busttingstal på nær 200 i året er det høgaste talet vi nokon gong har

buset, og ei ny busetting på same nivå i 2023 vil på same måte som i år krevje mykje av alle tenestene i kommunen. Alver kommune har kome i hamn med oppmodingstalet for 2022. Dette er ikkje situasjonen i alle kommunar. Det er viktig at dei flyktningane vi har busett får eit godt introduksjonsprogram og får god oppfølging mot overgang til arbeid. Kommunedirektøren vil difor råda kommunestyret til å vere tolmodige og sjå korleis situasjonen utviklar seg i løpet av året før vi melder inn ny kapasitet til IMDI.

Når det gjeld spørsmålet om å ta imot einslege mindreårige har ikkje Alver kommune blitt bedt om dette i oppmodingstalet på 180. I tråd med oppmodinga har Alver kommune difor ikkje rigga ei særskilt teneste for å ta i mot einsleg mindreårige neste år. Dersom Alver kommune får ei oppmoding om å ta i mot einslege mindreårige, vil kommunestyret få ny sak om dette. I det tilfelle må Alver kommune etablera ei teneste for dette.

I det ovanståande har kommunedirektøren minna om utfordringane knytt til busettings- og integreringsarbeidet. Kommunedirektøren vil til slutt peike på at mange av dei vi no har busett har god bakgrunn i ein arbeidsmarknad som treng folk.

Busettingsarbeidet i 2022 hadde ikkje vore mogeleg utan den enorme innsatsen som frivillige har gjort. Frivillige i vår region har på nytt vist at Alver-samfunnet kan ta eit tak når situasjonen krev det. Kommunedirektøren må på ny retta seg mot Alver- samfunnet og seie at vi treng den frivillige innsatsen like sterkt i 2023 som i år.

Vedlegg i saken:

29.11.2022	Oppmoding om busetting av flyktningar i 2023 - Alver kommune	1843670
------------	--	---------

Arkiv: <arkivID><jpID> FE-010
JournalpostID:
Sakshandsamar:
Dato: 15.11.2022

Saksframlegg

Saksnr.	Utval	Møtedato
002/22	Valstyret	01.12.2022
175/22	Alver kommunestyre	15.12.2022

Gjennomføring av kommunestyre- og fylkestingsvalet 2023

Kommunedirektøren sitt framlegg til vedtak:

- Kommunestyre- og fylkestingsvalet i Alver kommune vert halde på fastsett dag, måndag 11.september 2023.
- Vallokala held ope frå kl.12:00 – 20:00

Valstyret 01.12.2022:

Handsaming:

Kommunedirektøren sitt framlegg vart samrøystes vedteke.

VAL- 002/22 innstilling:

- Kommunestyre- og fylkestingsvalet i Alver kommune vert halde på fastsett dag, måndag 11.september 2023.
- Vallokala held ope frå kl.12:00 – 20:00

Politisk handsaming

Saka skal til innstilling i valstyret

Saka skal avgjerast i kommunestyret

Saka gjeld

Valdagen for kommunestyre- og fylkestingsvalet 2023 er fastsett til 11.september.

Med heimel i vallova § 9-2 kan kommunestyret sjølv gjera vedtak om at det på ein eller fleire stader i kommunen skal haldast val også sundag før den offisielle valdagen.

Saksopplysningar

Sakshistorikk

- Alver kommune, og tidlegare Radøy, Meland og Lindås, har ikkje avvikla val over to-dagar.
- Det har vore ein nedgang i kommunar som har avvikla to-dagars val frå 2009.
- Opningstider i vallokala i Alver var i 2019 og 2021 kl. 12:00 – 20:00

Vurderingsgrunnlag

- Veljarar som førehandsrøyster har auka ved dei siste vala.
- Det har ikkje kome tilbakemeldingar frå innbyggjarar at det er behov for gjennomføre valet over to dagar.

- To-dagars val krev ekstra ressursar – organisatorisk og økonomisk.

Kommunedirektøren si tilråding

- Kommunestyre- og fylkestingsvalet vert halde på fastsett dag, måndag 11 september 2023.
- Vallokala held ope frå kl.12:00 – 20:00

Vedlegg i saken:

22.04.2022	Fastsetting av valgdag for kommunestyre- og fylkestingsva(54525)	1727859
------------	--	---------

Arkiv: <arkivID><jplID> FE-010
JournalpostID:
Sakshandsamar:
Dato: 22.11.2022

Saksframlegg

Saksnr.	Utval	Møtedato
003/22	Valstyret	01.12.2022
176/22	Alver kommunestyre	15.12.2022

Kommunestyre- og fylkestingsval 2023. Val av røystekrinsar.

Kommunedirektøren sitt framlegg til vedtak:

Kommunestyret vedtek endring i røystekrinsane som vist i saksutgreiinga.

Valstyre får delegert mynde til å velja vallokale i dei ulike krinsane.

Valstyret 01.12.2022:

Handsaming:

Framlegg M.I.Wergeland-SP:

Tal røystekrinsar vert oppretthaldne slik dei er i dag

Valstyre får delegert mynde til å velja vallokale i dei ulike krinsane.

Framlegget vart samrøystes vedteke.

VAL- 003/22 innstilling:

Tal røystekrinsar vert oppretthaldne slik dei er i dag

Valstyre får delegert mynde til å velja vallokale i dei ulike krinsane.

Politisk handsaming

Saka skal til innstilling i valstyret

Saka skal avgjerast i kommunestyret

Saka gjeld

Kommunestyret, eller valstyret etter delegering, bestemmer kor mange røystekrinsar det skal vera i kommunen.

- Det er ikkje gjort endring i krinsane etter kommunesamanslåinga.
- Det er mange krinsar som krev mykje personell og logistikk

Saksopplysningar

Bakgrunn:

Det har vore 21 røystekrinsar i Alver kommune. Tabellen under viser manntalsførde ved

kommunevalet 2019 og frammøtte i dei ulike krinsane på valdagen 2015, 2019 og 2021.

Krins	Manntalsførde 2019	2015	2019	2021
Ostereidet	1 025	461	521	405
Kløvheim	371	222	227	213
Myking	257	123	152	141
Eikanger	449	237	257	226
Feste	268	152	147	150
Skodvin	491	242	283	244
Lindås	2 138	976	982	798
Leiknes	997	485	529	419
Alversund	2 869	1 230	1 291	1 081
Seim	837	430	469	425
Knarvik	2 391	993	1 040	658
Flatøy	222	199	225	184
Vestbygd	1 194	606	653	569
Sagstad	2 831	1 180	1 352	1 014
Grasdalen	796	393	414	312
Rosslund	631	319	334	277
Husebø	187	103	94	94
Sæbø	1 069	565	519	448
Manger	1 518	725	792	552
Hordabø	924	462	443	348
Austebygd	472	260	245	225

Vurdering:

Det er nokre utfordringar med talet på røystekrinsar i Alver kommune. Nokre av røystekrinsane er så små at prinsipp om hemmeleg val kan vera i fare. Ein kan, etter vallova, ikkje grovtelja røystesetlane i vallokala dersom det ikkje er min.100 manntalsførde i krinsen. Det er ikkje lovfesta kor mange som må røysta i vallokalet for å grovtelja røystesetlane.

Det blir også nytta elektronisk kryssing i manntal, og veljarane kan då gå til den krinsen dei ynskjer i kommunen. Elektronisk manntal krav at det er god tilgang til internett i lokala. I tillegg må det vera minst 2 PC'ar i kvart lokale, i dei største lokala bør det vera minimum 3 PC'ar. Det er også krevjande å sikre bemanning av lokala, det skal vere minimum 5 personar i kvart røystelokale.

Det er også ein klar tendens at stadig fleire førehandsrøyster. Alver kommune har hatt følgjande utvikling:

- Ved kommunevalet i 2015 var det totalt 21 030 manntalsførde i Radøy, Meland og Lindås, av dei var det 2 800 som førehandsrøysta.
- Ved kommunevalet i 2019 var det 22 168 manntalsførde i Alver kommune, av dei var det 4 682 som førehandsrøysta.
- Ved stortingsvalet i 2021 var det 21 100 manntalsførde i Alver kommune, av dei var det 8 346 som førehandsrøysta.

Til informasjon hadde Bjørnafjorden kommune 12 krisar ved kommunesamanslåing i 2019, dette vart redusert til 9 krinsar i 2021.

For å sikre ei god gjennomføring av kommune- og fylkestingsvalet i 2023, rår kommunedirektøren til ein reduksjon frå 21 til 14 røystekrinsar. Følgjande endringar blir lagt fram:

- Myking krins går til Lindås krins
- Kløvheim krins går til Eikanger krins
- Feste krins går til Seim krins
- Skodvin krins går til Lindås krins
- Flatøy krins går til Sagstad krins
- Husebø krins går til Rossland krins
- Austebygd krins går til Hordabø krins

Tabellen viser manntalsførte i dei ulike krinsane (etter 2019 tal) medrekna framlegg til endring.

Krins nr.	Krins namn	Manntalsførde 2019 (med endring 2022)
01	Ostereidet	1 025
02	Eikanger	820
03	Lindås	2 886
04	Leiknes	997
05	Alversund	2 869
06	Seim	1 005
07	Knarvik	2 391
08	Vestbygd	1 194
09	Sagstad	3 053
10	Grasdøl	796
11	Rossland	818
12	Sæbø	1 069
13	Manger	1 518
14	Hordabø	1 396

Kommunedirektøren si tilråding

Kommunestyret vedtek endring i røystekrinsane som vist i saksutgreiinga.

Arkiv: <arkivID><jplD> FE-060, FE-660
JournalpostID:
Sakshandsamar:
Dato: 27.10.2022

Saksframlegg

Saksnr.	Utval	Møtedato
129/22	Alver formannskap	01.12.2022
177/22	Alver kommunestyre	15.12.2022

Tilrettelegging - mikrofoner og streaming politiske møter

Kommunedirektøren sitt framlegg til vedtak:

Saka blir lagt fram til politisk drøfting

Alver formannskap 01.12.2022:

Handsaming:

Framlegg M.I.Wergeland-SP:

Formannskapet ber om ei ytterlegare utgreiing av kostnader knytt til eveneutelle bordmikrofonar i møterom for utval.

Framlegget fekk 4 røyster og fall.

Framlegg frå E.M.Dale-KRF:

Det vert installert for bordmikrofonar på eit møterom i RNH og på kommunehuset på Meland

Framlegget fekk 3 røyster og fall.

Framlegg N.M.Aadland-H:

På grunn av den alvorlege økonomiske stoda i Alver kommune blir det ikkje investert i nye mikrofonar i samband med streaming av politiske møte. Saka kan takast opp igjen når den økonomiske situasjonen tilseier det.

Framlegget vart vedteke med 10 røyster.

FO- 129/22 innstilling:

På grunn av den alvorlege økonomiske stoda i Alver kommune blir det ikkje investert i nye mikrofonar i samband med streaming av politiske møte. Saka kan takast opp igjen når den økonomiske situasjonen tilseier det.

Politisk handsaming

Saka skal til innstilling i formannskapet

Saka skal avgjerast i kommunestyret

Saka gjeld

I samband med streaming av politiske møte er det kome eit politisk ynskje om å kunne ta ordet utan å gå på talarstolen. Det må då leggjast til rette med mikrofonar i tak eller på bord i møterom, der det er lagt til rette for streaming. Denne saka skal avklare følgjande:

- Skal det leggjast til rette for mikrofonar?

- I så fall, kva løysning skal ein velja?

Saksopplysningar

Sakshistorikk

Det er, i dag, utstyr til streaming i formannskapssalen i kommunehuset på Frekhaug og møterom Nordhordland i Helsehuset. I helsehuset blir det i tillegg vurdert ei løysing for streaming i eit mindre møterom til utvalsmøta, dette på grunn av at helsehuset merkar stor pågang for å bruke møterom Nordhordland. På Frekhaug er utstyret gammalt og mykje av det må oppgraderast.

Vurderingsgrunnlag

Det er mogleg å leggje til rette for mikrofonar i både helsehus og på kommunehuset på Frekhaug, og det må vere lagt opp slik at det kan fungere saman med streaming. Det er henta inn tilbod på løysing i samarbeid med IKT Nordhordland. Når det gjeld pris, er det kome inn følgjande forslag:

- Det er anbefalt å ha mikrofonar i tak (fastmontert og integrert), og dette har ein kostnad på ca.kr. 200 000,- pr. møterom.
- Ei løysing med mikrofonar på bord har ein kostnad på ca. kr. 130 000,- per møterom. Mikrofonar på bord vil krevja tilrettelegging ved kvart møte og mange leidningar vert liggjande i rommet. Det er mogleg å ta ei tilleggskostnad til trådlause mikrofonar. Alt elektronisk utstyr som må leggjast til rette i kvart enkelt møte, er meir sårbart enn det som er fastmontert. Det er mange brukarar av møteromma og det er ulik kunnskap om bruk av utstyret.
- Det vil i tillegg koma kostnader med oppgradering av streaming og kommune-TV løysinga. Dette gjeld i hovudsak kjøp av nye PC'er med oppsett. Kostnader for det vil vere følgjande:
 - Nytt oppsett Frekhaug ca kr 36 000,-
 - Oppsett i nytt møterom i Helsehuset ca. kr. 56 000,-

Moglege løysingar:

Kommunehuset på Frekhaug:

1. Installering av takmikrofonar + KommuneTV: ca. kr. 236 000,-
2. Innkjøp av bordmikrofonar med leidning + KommuneTV: ca kr. 186 000,-
3. Oppretthalde dagens løysing med talarstol. Oppgradering av KommuneTV ca.kr. 36 000,-

Helsehuset – nytt møterom for utvalsmøta

1. Installering av takmikrofonar, ca. Kr. 256 000,-
2. Innkjøp av bordmikrofonar med leidning, ca kr. 166 000,-
3. Leggje til rette for talarstol og streaming, ca.kr. 56 000,-

Helsehuset - møterom Nordhordland

- Helsehuset ønskjer ikkje å leggje til rette for mikrofonar i møterom Nordhordland, møta her må gjennomførast som i dag med talarstol og streaming. Under bygging av helsehuset blei det vurdert å installere mikrofonar i tak i møterom Nordhordland. Dette blei ikkje valt på grunn av høge kostadar.

Vurdering:

Kommunedirektøren legg fram saka til politisk drøfting. Dersom ein ynskjer innkjøp av mikrofonar, må det setjast av midlar til dette i økonomiplanen.

Kommunedirektøren si tilråding

Saka vert lagt fram til politisk drøfting.

Arkiv: <arkivID><jplD> FA-M50, TI-&01
JournalpostID:
Sakshandsamar:
Dato: 23.11.2022

Saksframlegg

Saksnr.	Utval	Møtedato
125/22	Alver formannskap	01.12.2022
178/22	Alver kommunestyre	15.12.2022

NGIR - organisering

Kommunedirektøren sitt framlegg til vedtak:

Kommunestyret gir si støtte til at NGIR organiserer næringsavfall i eit eige AS.

Kommunestyret er negativ til organisering av NGIR i til saman tre aksjeselskap, kor Hushald og Drift er tenkt som to eigne AS. NGIR IKS er eit relativt oversiktleg selskap, med avgrensa verksemd og få tilsette.

Kommunestyret vurderer det slik at organiseringa i tre selskap under NGIR IKS, vert kompliserande og kan vere fordyrande på sjølvkostområde, utan at tenesta isolert sett vert forbetra

Alver formannskap 01.12.2022:

Handsaming:

Kommunedirektøren sitt framlegg vart samrøyste vedteke.

FO- 125/22 innstilling:

Kommunestyret gir si støtte til at NGIR organiserer næringsavfall i eit eige AS.

Kommunestyret er negativ til organisering av NGIR i til saman tre aksjeselskap, kor Hushald og Drift er tenkt som to eigne AS. NGIR IKS er eit relativt oversiktleg selskap, med avgrensa verksemd og få tilsette.

Kommunestyret vurderer det slik at organiseringa i tre selskap under NGIR IKS, vert kompliserande og kan vere fordyrande på sjølvkostområde, utan at tenesta isolert sett vert forbetra

Politisk handsaming

Saka skal til innstilling i formannskapet

Kommunestyret skal vedta Alver kommune sin innstilling til organisering, som vert oversendt til NGIR IKS, for endeleg vedtak.

Bakgrunn

Representantskapsmøte gjorde i sak 10/22, 13. juni 2022 følgjande vedtak:

Representantskapet i NGIR vedtok i sitt møte 25.10.21 i sak 14/21 følgjande: «Styret legg i løpet av 2022 fram eit forslag til modell for ny selskapsorganisering av NGIR.»

Vedtaket vart gjort med bakgrunn i behovet for å leggja forholda til rette for NGIR når det

gjeld framtidig regelverk for konkurranse på like vilkår. Samstundes vil ny organisering kunne leggja til rette for at NGIR framleis kan vera ein viktig samarbeidspart for næringslivet og kommunane i NGIR-området, og vera ein bidragsytar i utviklinga av den sirkulære økonomien i Noreg.

Det er utarbeid eit forslag til modell for ny selskapsorganisering av NGIR, som styret nå legg fram for representantskapet for innspel. Modellen er drøfta med dei tillitsvalte, som stilte seg positiv til modellen. Advokat Trine Lise Fromreide har gjort ei juridisk vurdering som følgjer vedlagt. Denne konkluderer med at modellen er juridisk mogleg å innføra.

Styret handsama saka i april og gav sin tilslutnad til modellen som er foreslått og vedtok å leggja saka fram for representantskapet for innspel.

Når alle innspel er handsama vil saka bli lagt fram for endeleg vedtak i styret i august og i representantskapet i oktober.

Alver kommune fekk saka oversendt i e-post, datert 14.06.22 med følgjande moglegheit: Etter vedtak i NGIR sitt representantskap 13.06.22, sendast sak 10/22 til eigarkommunane for moglegheit til å koma med innspel til saka, innan 25. september 2022.

Fristen er i seinare korrespondanse utvida til 31.12.22, med beskjed om endeleg handsaming i representantskapet våren 2023.

Vurdering

Saka er belyst i oversendt utgreiing og av selskapets leiing, i fleire møte med formannskapet, regionrådet og kommunens leiing. Kommunedirektøren har ikkje innvendingar til organisering av næringsavfall i eige AS.

Kommunedirektøren ynskjer å gje merknad til organiseringa, i til saman tre aksjeselskap, kor Hushald og Drift er tenkt som to eigne AS. NGIR IKS er eit relativt oversiktleg selskap, med avgrensa verksemd og få tilsette. Kommunedirektøren meiner difor at drifta i selskapet ikkje forsvaret den omfattande endringa av organiseringa, og meiner fordeling mellom NGIR Næring AS og NGIR IKS, kan løysast i internrekneskapen.

Kommunedirektøren meiner i tillegg at organiseringa i tre selskap under NGIR IKS, vert kompliserande og kan vere fordyrande på sjølvkostområde, utan at tenesta isolert sett vert forbetra.

Vedlegg:

[SELSKAPSAVTALE FOR \(nordhordlandskart.no\)](#)

Vedlegg i saken:

19.07.2022	Sak 10.22 Selskapsorganisering av NGIR	1777318
08.12.2022	2021-04-06 Notat - omorganisering av NGIR - vedlagt til	1848599
	KO 15.12.2022	

Arkiv: <arkivID><jplD> FE-026
JournalpostID:
Sakshandsamar:
Dato: 24.11.2022

Saksframlegg

Saksnr.	Utval	Møtedato
126/22	Alver formannskap	01.12.2022
179/22	Alver kommunestyre	15.12.2022

Vertskommunesamarbeid om Nordhordland legevakt

Kommunedirektøren sitt framlegg til vedtak:

Kommunestyre vedtek at eksisterande avtale om administrativt vertskommunesamarbeid om Nordhordland legevakt vert forlenga fram til og med månaden siste kommunestyre i samarbeidet gjer vedtak om ny avtale om administrativt vertskommunesamarbeid om Nordhordland legevakt.

Kommunestyret føreset at ny avtale vert handsama i første kommunestyremøte i 2023 i alle kommunane i samarbeidet.

Alver formannskap 01.12.2022:

Handsaming:

Kommunedirektøren sitt framlegg vart samrøystes vedteke.

FO- 126/22 innstilling:

Kommunestyre vedtek at eksisterande avtale om administrativt vertskommunesamarbeid om Nordhordland legevakt vert forlenga fram til og med månaden siste kommunestyre i samarbeidet gjer vedtak om ny avtale om administrativt vertskommunesamarbeid om Nordhordland legevakt.

Kommunestyret føreset at ny avtale vert handsama i første kommunestyremøte i 2023 i alle kommunane i samarbeidet.

Politisk handsaming

Saka skal til innstilling i formannskapet
Saka skal avgjerast i kommunestyret

Bakgrunn

I sak 155/21 Vertskommunesamarbeid om Nordhordland legevakt, vart det gjort følgjande vedtak: «Avtale om administrativt vertskommunesamarbeid om Nordhordland legevakt vert sagt opp med mål om å inngå ny avtale i 2022».

Bakgrunnen for dette vedtaket var at det vart inngått avtale om administrativt vertskommune-samarbeid i 2013 mellom Lindås kommune og kommunane Austrheim, Fedje, Lindås, Masfjorden, Meland, Modalen, Radøy, Gulen og Osterøy om Nordhordland legevakt og øyeblikkeleg hjelp døgntilbod - vedtak 14.02.2013 KO sak 11/13. Det er 1 år oppseiingstid på avtalen gjeldande frå kvart årsskifte. Alver kommune har overtatt Lindås kommune sitt

vertskommuneansvar etter kommunesamanslåing mellom Lindås, Radøy og Meland frå 2020. Før årsskiftet i 2020 sa Fedje kommune opp avtalen og går no ut av samarbeidet om legevakt og øyeblikkeleg hjelp døgnsender frå 1.januar 2022. Dei vil frå 2022 berre vera tilknytt legevaktsentralen (116 117).

Hausten 2020 vart det starta opp eit prosjekt der formålet med prosjektet var å sikre ei organisering med medisinsk forsvarlege tenester innanfor kommunane sine økonomiske rammer. Prosjektgruppa var samansett av fungerande legevaktsjef, fagsjukepleiar legevakt, kommunalsjef frå samarbeidskommunane og hovudtillitsvald. Prosjektet vart leia av tenesteleiar for lege- og rehabiliteringstenester. Referansegruppe var fagråd for kommuneoverlegar, tilsette ved Nordhordland legevakt, administrativ nemnd for NHLV, rådmennene og kommunalsjefar i samarbeidskommunane. Prosjektet sin konseptfase er no avslutta og det vert gjennomført ei risiko- og sårbarheitsanalyse (tenesteros) ved legevakta. I samband med dette vert det gjort vurdering av fagleg forsvarlegheit av tenestene. Endringar som kommunesamanslåing, oppseiing frå ein av samarbeidskommunane, behov for å vurdere økonomisk fordeling og medisinsk forsvarlegheit vert det vurdert som formålstenleg å seie opp avtalen frå 2013.

Saksopplysningar:

Avtale om administrativt vertskommunesamarbeid om Nordhordland legevakt vart sagt opp i desember 2021, med mål om å inngå ny avtale i 2022. Legevaktsjef, tenesteleiar for legetenesta og rehabilitering, kommunalsjef helse og omsorg og kommunedirektør har i samarbeid utarbeid forslag til avtale. Kommunedirektøren har hatt ein prosess med kommunedirektørar/rådmenn i samarbeidskommunane for å kome fram til ei avtale som ein administrativt er einige om. Dette arbeide var slutført i eit felles møte mellom kommunedirektørar/rådmenn 18. november 2022. Dette var dessverre for seint til å rekke handsaming i alle kommunestyra før hjul.

Vurdering

Kommunedirektørar/rådmenn legg derfor opp til politisk handsaming i første møte i kommunestyra i vertskommunesamarbeidet i 2023. Den nye avalen gjeld frå og med første månad etter at siste kommunestyre har gjort vedtak. Dette gjer at det er behov for å forlenge gjeldande avtale fram til den månaden siste kommunestyre gjer vedtak om ny avtale.

Arkiv: <arkivID><jpID> FE-145
JournalpostID:
Sakshandsamar:
Dato: 23.11.2022

Saksframlegg

Saksnr.	Utval	Møtedato
123/22	Alver formannskap	01.12.2022
180/22	Alver kommunestyre	15.12.2022

Budsjettendringar 2022

Kommunedirektøren sitt framlegg til vedtak:

Kommunestyret vedtek å endre budsjettet for 2022 i samsvar med endringstabell:

	Endringar i denne saka
Sentrale poster	
Skatt og rammetilskot	-40 000
Generelle inntekter	6 000
Sum auka inntekter 2022	-34 000
Driftsbudsjett	
Helse og omsorg - Refusjon resurskrevjande brukarar	10 000
Oppvekst - barnevern	-2 300
Teknisk forvaltning og drift - sjølvkost vatn	15 500
Sum reduserte inntekter/ auka utgifter drift	23 200
Sum endringar - positiv resultateffekt	-10 800
Redusert bruk av disposisjonsfond 2022	10 800

Endringane fører til 10,8 mill. kr i redusert bruk av disposisjonsfond i 2022.

Alver formannskap 01.12.2022:

Handsaming:

Endring i kommunedirektøren sitt framlegg vart ettersendt:

Kommunedirektøren sitt framlegg til vedtak:

Kommunestyret vedtek å endre budsjettet for 2022 i samsvar med endringstabell:

	Endringer i denne saka
Sentrale poster	
Skatt og rammetilskot	-40 000
Generelle inntekter	-5 000
Sum auka inntekter 2022	-45 000
Driftsbudsjett	
Helse og omsorg - Refusjon resurskrevjande brukara	10 000
Oppvekst - barnevern	-2 300
Teknisk forvaltning og drift - sjølvkost vatn	15 500
Sum reduserte inntekter/ auka utgifter drift	23 200
Sum endringar - positiv resultat effekt	-21 800
Redusert bruk av disposisjonsfond 2022	21 800

Kommunedirektøren har endra framlegget etter at det vart kjent at regjeringa løyvde 800 mill. kr ekstra til havbruksfondet på nasjonalt nivå. Alver kommune sin andel av dette er berekna å utgjere 11 mill. kr Tabellen i vedtaket er oppdatert med dette.

Kommunedirektøret sitt endra framlegg vart samrøytes vedteke.

FO- 123/22 innstilling:

Kommunestyret vedtek å endre budsjettet for 2022 i samsvar med endringstabell:

	Endringer i denne saka
Sentrale poster	
Skatt og rammetilskot	-40 000
Generelle inntekter	-5 000
Sum auka inntekter 2022	-45 000
Driftsbudsjett	
Helse og omsorg - Refusjon resurskrevjande brukara	10 000
Oppvekst - barnevern	-2 300
Teknisk forvaltning og drift - sjølvkost vatn	15 500
Sum reduserte inntekter/ auka utgifter drift	23 200
Sum endringar - positiv resultat effekt	-21 800
Redusert bruk av disposisjonsfond 2022	21 800

Kommunedirektøren har endra framlegget etter at det vart kjent at regjeringa løyvde 800 mill. kr ekstra til havbruksfondet på nasjonalt nivå. Alver kommune sin andel av dette er berekna å utgjere 11 mill. kr Tabellen i vedtaket er oppdatert med dette.

Politisk handsaming

Saka skal til innstilling i formannskapet

Saka skal avgjerast i kommunestyret

Saksopplysningar

Endringar som har oppstått etter august (2. tertialrapport) har vore kommunisert i Formannskapsmøta i oktober og november. Kommunedirektøren har orientert om at det vart fremma eigen politisk sak i desembermøtet slik at budsjett for 2022 vert korrigert for endringane som er kjent. Under vert dei ulike endringane nærmare skildra.

Sentrale poster

Skatt og rammetilskot:

Prognosen for skatt og rammetilskot vart i samband med framlegging av statsbudsjettet for 2023 oppjustert med 10 mill. kr i 2022. I ettertid av dette har forventningane til skatteinngangen på nasjonalt nivå blitt vesentleg høgare enn tidlegare skissert. KS har analysert skatteinngangen på nasjonalt nivå og mykje tyder på at den høge skatteinngangen i 2021 også har effekt i 2022. Regjeringa var tydeleg på at skatteinngangen i 2021 var ein eingongseffekt, og den ekstraordinære skatteinngangen vart trekt ut i statsbudsjettet for 2022 og i prognosemodellen.

KS har gjort berekning på kommunenivå som viser kva den einskilde kommune kan forvente av ekstra skatteinntekter i 2022. Berekningane er ikkje ein endeleg fasit, men berekningane gjev tydeleg indikasjon på at skatteinngangen i 2022 blir vesentleg høgare enn forventa.

Berekningane viser at Alver kommune kan forvente 40 mill. kr høgare skatteinngang i 2022 enn budsjettet. Det er imidlertid ikkje klart korleis regjeringa vil handtere den ekstra skatteinngangen. Det er uvisse knytt til om regjeringa vil beslutte at heile, deler av eller ingen deler av den auka skatteinngangen skal gå til å dekkje kommunanes koronautgifter, eller om den auka skatteinngangen vil gje kommunane ekstra skatteinntekter slik det normalt blir gjort.

Kommunedirektøren legger til grunn at kommunane får dekkja sine ekstra utgifter knytt til Koronapandemien i 2022, slik signala har vore frå regjeringa i løpet av 2022. Det er gitt informasjon om at kommunane kan forvente å få svar på finansieringa av koronapandemien og nysaldert budsjett før denne saka skal behandlast i formannskapet. Kommunedirektøren rår til at eventuell oppdatert informasjon frå regjeringa vert tatt med i vedtaket.

Utbetalningar frå havbruksfondet og busetting av flyktningar (generelle inntekter):

I starten av 2022 ble det kjent at budsjettet for utbetalningar frå havbruksfond i 2022 er for høgt. Dette har vore omtala i tertialrapportane i løpet av året, men det har vore gjort framlegg om å ikkje justere ned budsjettet før utbetalinga frå havbruksfondet i 2022 var endeleg avklart. Per 22. november er det framleis ikkje klart kva kommunane vil motta i utbetalningar frå havbruksfondet. Auksjonane av nye konsesjonar innan havbruket hausten 2022 viste seg å komme ut mykje dårlegare enn forventa. Auksjonsprisane vart vesentleg lågare, og ca. 25 prosent av volumet som vart tilbyddt seld i marknaden ikkje blei seld. Dette fører til at det kom inn mykje mindre midlar til Havbruksfondet enn tidlegare rekna med.

Kommunedirektøren gjer derfor framlegg om å justere ned inntektene til same nivå som er forventa i åra framover (og lagt inn i framlegget til økonomiplan for 2023-2026). Budsjettet utbetaling for 2022 vert såleis justert ned frå 29 mill. kr til 10 mill. kr.

I 2. tertialrapport vart det i oversynet over busetting av flyktningar frå Ukraina vist til at Alver kommune i 2022 ville motta høgare inntekter enn utgifter, og at midlane skulle settast av til eige fond ved årsslutt. Kommunedirektøren gjer framlegg om å justere opp dei generelle inntektene i 2022 i samsvar med faktisk busetting og at det ikkje vert oppretta eige fond for inntektene som overstig utgifter i 2022. Budsjettet for 2023 og 2024 har rammer til å dekke utgifter i samsvar med forventa busetting. Kommunedirektøren gjer framlegg om å auke dei generelle inntektene med 13 mill. kr i 2022.

Driftsbudsjett sektorar:

Refusjon ressurskrevjande brukarar:

Helsedirektoratet gjennomførte i 2022 tilsyn knytt til refusjon for ressurskrevjande brukarar for 2021. Tilsynet viste at Alver kommune hadde nytta same pensjonssats i refusjonskravet som den pensjonssatsen som vert belasta driftsrekneskapen vår.

I 2021 nytta Alver kommune heile den ekstraordinære tilbakeføringa frå KLP til å betale pensjonspremien, og direktoratet konkluderte med at effekten av denne tilbakeføringa skulle vært tatt med i refusjonskravet. Når vi korrigerer for dette, er pensjonssatsen 4,8% og ikkje 11,5% som vart nytta i det opprinnelege refusjonskravet. Tilbakebetalinga blir gjort i samband med refusjonskravet for 2022 og kommunedirektøren gjer framlegg om å redusere inntektene med 10 mill. kr for 2022.

Barnevern:

Alver kommune får 2,3 mill. kr i auka inntekter i 2022 frå dei andre kommunane i barnevernssamarbeidet. Dei auke inntektene vart ikkje hensyntatt i auken som blei lagt inn i 2. tertialrapport.

Sjølvkost vatn:

Sjølvkostrekneskapen for vatn i 2022 er forventa å gje ca 15,5 mill. kr i underskot. Dette grunna renteauke og høgare straumutgifter. Dette påverkar resultatet for kommunen i 2022 fordi sjølvkost-fondet for vatn ikkje dekker dei auka utgiftene. Det er ikkje mogleg å ha negativt fond, og underskotet må finansierast av kommunale midlar. Totalt sett er dette å rekne som ein regnskapsteknisk periodiseringssak, då kommunen får tilbake dette forventa underskotet for 2022 (som må finansierast av kommunale midlar) dei neste 5 årene ved å budsjettere med overskot i sjølvkostrekneskapen for vatn i økonomiplanen. I praksis vert det gjort ved å berekne gebyrinntekter som er høgare enn driftsutgiftene i denne perioden. I 2027 er det underskotet etter planen nedbetalt.

Økonomi

Oppsummert påverkar endringane som er skissert over resultatet for 2022 positivt med 10,8 mill. kr samanlikna med det som vart vedteken per 2. tertial.

	Endringar i denne saka
Sentrale poster	
Skatt og rammetilskot	-40 000
Generelle inntekter	6 000
Sum auka inntekter 2022	-34 000
Driftsbudsjett	
Helse og omsorg - Refusjon resurskrevjande brukarar	10 000
Oppvekst - barnevern	-2 300
Teknisk forvaltning og drift - sjølvkost vatn	15 500
Sum reduserte inntekter/ auka utgifter drift	23 200
Sum endringar - positiv resultat effekt	-10 800
Redusert bruk av disposisjonsfond 2022	10 800

Arkiv: <arkivID><jpID> FE-231
JournalpostID:
Sakshandsamar:
Dato: 22.11.2022

Saksframlegg

Saksnr.	Utval	Møtedato
130/22	Alver formannskap	01.12.2022
181/22	Alver kommunestyre	15.12.2022

Gebyr- og betalingssatsar 2023 - Alver kommune

Kommunedirektøren sitt framlegg til vedtak:

«Alver kommunestyre godkjenner gebyr- og betalingssatsar for 2023, slik dei går fram av framlegg i vedlagte link til Framsikt:

https://pub.framsikt.net/2023/alver/bm-2023-gebyr_og_betalingssatsar_2023/

Særskilte vedtak i forhold til lov og forskrift:

- Med heimel i Lov om havner og farvann (havne -og farvannsloven) av 21.06.2019 § 33 vedtar Alver kommunestyre revidert forskrift om saksbehandlingsgebyr for Bergen Havn Farvannsforvaltning IKS.
- Alver formannskap gjev si innstilling og legg ut forslag til ny gebyrforskrift for 2023 for plansaker, bygge-, dele- og dispensasjonssaker, oppmåling, eigarseksjonering og utslepp etter forureiningslova på høyring, jf. forvaltningslova § 37.
- Alver kommunestyre vedtar gebyrforskrift for ny gebyrforskrift for plansaker, bygge-, dele- og dispensasjonssaker, oppmåling, eigarseksjonering og utslepp etter forureiningslova for 2023.

Alver formannskap 01.12.2022:

Handsaming:

Framlegg frå N.M.Aadland-H:

Kommunedirektøren blir beden om å snarast gjennomføre ei streng prioritering av kva tiltak innan sjølvkost som kan utsetjast. Dette for å redusere den store prisauken i kommunale gebyr i 2023.

Framlegget vart samrøystes vedteke.

Kommunedirektøren sitt framlegg vart samrøystes vedteke.

FO- 130/22 innstilling:

«Alver kommunestyre godkjenner gebyr- og betalingssatsar for 2023, slik dei går fram av framlegg i vedlagte link til Framsikt:

https://pub.framsikt.net/2023/alver/bm-2023-gebyr_og_betalingssatsar_2023/

Særskilte vedtak i forhold til lov og forskrift:

- Med heimel i Lov om havner og farvann (havne -og farvannsloven) av 21.06.2019 § 33 vedtar Alver kommunestyre revidert forskrift om saksbehandlingsgebyr for Bergen

Havn Farvannsforvaltning IKS.

- Alver formannskap gjev si innstilling og legg ut forslag til ny gebyrforskrift for 2023 for plansaker, bygge-, dele- og dispensasjonssaker, oppmåling, eigarseksjonering og utslepp etter forureiningslova på høyring, jf. forvaltningslova § 37.
- Alver kommunestyre vedtar gebyrforskrift for ny gebyrforskrift for plansaker, bygge-, dele- og dispensasjonssaker, oppmåling, eigarseksjonering og utslepp etter forureiningslova for 2023.

Kommunedirektøren blir beden om å snarast gjennomføre ei streng prioritering av kva tiltak innan sjølvkost som kan utsetjast. Dette for å redusere den store prisauken i kommunale gebyr i 2023.

Politisk handsaming

Saka skal til innstilling i formannskapet

Saka skal avgjerast i kommunestyret

Bakgrunn:

Bakgrunn og heimlar for gebyr- og betalingssatsar går fram av prinsippesaka som formannskapet behandla i møte 11.11.21, sak 103/21. Sjå vedlegg.

Saksopplysningar:

For 2023 er framlegget til gebyr og betalingssatsar utarbeida i Framsikt. Dette framlegget er oppdelt i følgjande hovudkapittel/gebyrområde:

1. Plan og byggesak
2. Oppmåling og seksjonering
3. Landbruk
4. Vatn og avlaup
5. Renovasjon og feiing
6. Oppvekst
7. Pleie- og omsorgstenester
8. Kultur og idrett
9. Alkohol og diverse salsløyve
10. Graver og vigsel

Til desse kapitla kan det vere knytt kommentarar. Desse følgjer i så fall etter tabellane for gebyr og betalingssatsar i kvart kapittel.

I framlegget er det gjort ein del endringar i oppsettet på gebyra for å gjere det meir lesevenleg for kundane våre. Endringane av meir redaksjonell art er tekstlege endringar, endra namn, og at gebyr som gjeld same sakstype er slått saman i eit eller færre punkt enn tidlegare. Døme på endringar er at fleire av prosentsatsane no er endra til sum, som for byggesaksgebyret for fleirmannsbustader.

Prisauke frå 2022 til 2023:

Der det ikkje er særskilt prisgrunnlag knytt til sjølvkost, avtaler med eksterne partar, andre vedtak som t.d. i nasjonale forskrifter, eller andre særskilte årsaker er det lagt til grunn ein gebyrauke på 6,5% frå 2022 til 2023.

Dette basert på at den kommunale deflatoren for kommunal sektor. I opprinneleg statsbudsjett for 2022 var det lagt til grunn ein prisvekst på 2,5% for 2022. I statsbudsjettet for 2023 er prisveksten for 2022 revidert og berekna til 5,3%, som er 2,8% høgare enn forventa. I statsbudsjettet for 2023 er det lagt til grunn ein samla prisvekst for 2023 på 3,7%. I gebyrregulativet til Alver kommune for 2022 la vi til grunn ein prisvekst for 2022 på 2,5%.

For 2023 har vi difor brukt følgjande enkle grunnlag for framlegg til prisauke frå 2022 til 2023:

Korrigerings av for låg estimert prisvekst for 2022: 2,8%

Forventa prisvekst for 2023:	3,7%
Sum prisvekst i gebyrregulativet for 2023:	6,5%

Nedanfor følgjer tilleggskommentarar til dei ulike gebyrområda:

Plansaker, byggesaker, oppmåling, eigarseksjonering og utslepp, sjølvkost

Gebyrsatsar for plansaker, byggesaker, oppmåling, eigarseksjonering, handsaming av utslepp frå private avløpsanlegg vert fastsett i samsvar med forskrift om sjølvkost. Gebyrnivået er satt med utgangspunkt i 100 % sjølvkost, og skal dekke dei gjennomsnittlege kostnadane som kommunen har med å produsere ei bestemt teneste. Kommunen kan ikkje tene pengar på desse tenestene, og eit eventuelt overskot må nyttast til å setje ned gebyra dei påfølgjande åra, og eit eventuelt underskot må dekkast av kommunale midlar.

For sjølvkostområda er nivået på gebyrinntektene rekna ut frå gebyrgrunnlaget i sjølvkostmodellen frå Momentum. I gebyrgrunnlaget inngår m.a. vurderingar på tal årsverk som skal arbeide innanfor sjølvkost for 2023, og nødvendige justeringar er gjort i budsjettet i samband med dette. Endring i årsverk er gjort basert på forventa saksmengd og årleg ressursbruk i forhold til dette. Gebyrinntektene er rekna ut med utgangspunkt om 100 % sjølvkostgrad. Gebyrgrunnlaget frå Momentum ligg som vedlegg til saka.

Dersom satsane vert lågare enn det som ligg i forslaget til gebyrsatsar, så vil det krevje meir kommunal finansiering av tenestene, eventuelt må andre satsar innanfor same sjølvkostområde aukast tilsvarande den satsen som vert lågare.

Gebyra vert vedteke som lokal forskrift. Forskrifta vert lagt på høyring av formannskapet og ligg ute på heimesida til kommunen i perioden fram til vedtak i kommunestyret.

Utfordringar:

Det er fleire faktorar som påverkar inntektene og graden av sjølvkost. Dei viktigaste faktorane er aktiviteten i marknaden og at kommunen har nok ressursar til å gjennomføre tenestene. Nedgang i innkomne søknadar/planar vil ha direkte konsekvens i forhold til inntektsnivået vårt.

Framlegg til gebyrsatsar:

Sakstype:	Endring i gebyr:	Merknad:
Plansaker	29 % auke	Gebyra dekker kommunen sitt arbeid med sakshandsaminga fram til planen vert lagt ut til 1.gangs offentleg ettersyn/høyring. Tal årsverk som arbeider med planar fram til 1.gangs offentleg ettersyn vert redusert med 1,5 som følgje av forventa saksmengd for 2023.
Byggesak	1 %	Basert på rekneskapstala per oktober, så er gebyrnivået med 1 % auke tilstrekkeleg til å dekke dei forventa utgiftene kommunen har med tenesta.
Eigarseksjonering	0 %	Tal årsverk vert auka med 0,1 for 2023 for forventa auka i saksmengd. Gebyrnivået er tilstrekkeleg til å dekke dei forventa utgiftene kommunen har med tenesta.
Oppmåling	114 %	Tal årsverk vert redusert med 0,5 for 2023. I dei siste to åra har inntektene for oppmåling lagt vesentleg lågare enn budsjett. For å oppnå ein sjølvkostgrad på 100 % må gebyra aukast vesentleg. Årsaka er

		at nivået frå tidlegare gjenspeilte ein annan aktivitet og type saker, enn det vi har hatt dei siste to åra.
Utslepp av private avløpsanlegg inkludert tilsyn	35 %	Ingen endring i tal årsverk. Gebyrnivået vert auka i samsvar med utgiftene til å dekke tenesta.

Nye/endra gebyr for 2023:

Gebyr	Sum	Merknad
Dispensasjon utan høyring, punkt 15-03	7 773,-	Ny differensiert sum for dispensasjonssaker som ikkje krev høyring.

For saker som gjeld oppmålingsforretning og arealoverføring etter matrikkellova er tilleggsgjebret for areal over 50 001 m2 tatt ut, og satsen gjeld frå og med areal på 20 001 m2, då tidsbruken med arbeidet vert dekket av gebyrsatsen med areal frå og med 20 001 m2.

I gjeldande regulativ er alle punkt i 3.13 (oppmålingsforretning som vert utført av rekvirert landmålar, tatt ut, då dette er gebyr som ikkje er i bruk.

Plansaker, byggesaker, oppmåling, eigarsegsering og utslepp, utanfor sjølvkost

- Gebyr for utsending av matrikelbrev gjenspeilar gebyr satt med heimel i matrikkelforskrifta § 16, og kan ikkje aukast.
- Gebyr for handsaming av vedtak etter jordlova og konsesjonslova er fastsett i forskrift om behandling av konsesjons- og delingssaker § 2 og kan ikkje aukast.
- Viltforvaltning: avgift for fellingsløyve vert ikkje endra då gjeldande satsar er tilstrekkeleg.

Revidert forskrift om sakshandsamingsgebyr for Bergen Havn Farvannsforvaltning IKS

Bergen Havn Farvannsforvaltning IKS har fått delegert kommunen si mynde etter Lov om havner og farvann (hfl.) frå Alver, Askøy, Austrheim, Bergen, Bjørnafjorden, Fedje og Øygarden kommune.

Etter Lov om havner og farvann (hfl.) § 33 så kan det fastsetjast gebyr for kostnaden med sakshandsaming av søknadar om løyve til tiltak i sjø etter hfl. § 14. Gebyra skal følgje prinsippa om sjølvkost. Bakgrunnen for den reviderte forskrifta er at gjeldande satser ikkje har dekket kostnaden med tenesta, og at det har vore utfordrande å fakturere for større tiltak slik gjeldande forskrift er utforma. Det vert elles vist til vedlagte skriv frå Bergen Havn Farvannsforvaltning IKS om bakgrunnen for revidert gebyr. Revidert forskrift vil erstatta «Forskrift om saksbehandlingsgebyr for Bergen og Omland Farvannsforvaltning IKS av 05.06.2019».

Gebyrsatsane etter Lov om havner og farvann er lagt inn i Framsikt, men fakturering og inntektene går til Bergen Hamn Farvannsforvaltning IKS.

Framlegg til endra gebyr:

Tiltak	Skildring av tiltak	Gjeldande sum	Ny sum
«Mindre tiltak»	Gjeldande: «Tiltak som enkel flytebrygge, mindre utfylling og leidning» Ny: «Tiltak som fortøyningsinstallasjon, enkel flytebrygge, mindre kai, utfylling og	4 500	6 000

«Større tiltak»	leidning» Gjeldande: «Moloer, mudring/graving, anlegg, samt utbygginger av større omfang» Ny: «Tiltak som molo, bølgedemper, flytebryggeanlegg, mudring/graving, større utfylling, ledningsnett samt utbygginger av større omfang Flere tiltak på samme eiendom som totalt sett utgjør et større tiltak kan også omfattes.»	10 000	10 000
«Befaring»	Ny: «Tiltak som i tillegg til saksbehandling krever befaring, vil bli fakturert etter en minstesats på kr. 3000,-.»		«Minstesats: Befaring i forbindelse med saksbehandling på kr. 3 000,-. «

Vatn og avløp, sjølvkost

Dei samla gebyrinntektene for tenestene er meint å dekkje alle kostnadene kommunen har ved å yte tenestene, kvar for seg.

Kostnadene er sett saman av driftskostnader, lønskostnader og kapitalkostnader. Drifts- og lønskostnadene blir halde på eit jamt nivå, medan kapitalkostnadene aukar. Kapitalkostnadene er kostnader av investeringane (renter og avskrivingar), ikkje sjølv investeringskostnaden. Venta kalkylerente ligg utanfor kommunen sin kontroll, men har stor effekt på sjølvkostresultatet.

Storleiken på kapitalkostnadene for vatn og avløp følgjer elles takten i investeringane, som er vidareført frå dei tre gamle kommunane gjennom temaplanane som vart vedtatt ved overgangen til Alver. Hestdal Vassverk er det siste og ein av dei største investeringane knytt til vasskvalitet og forsyningsikkerhet. På avløpssida er det tiltak knytt til oppgradering av fleire avløpsrensaneanlegg.

Oppsummert medfører auka kostnader knytt til gjennomførte investeringar at gebyra for vatn og avløp aukar med høvesvis 41,7 og 25,9 % frå 2022 til 2023.

Gebyrendring frå året før	2023	2024	2025	2026
Vatn, auke i kr	2 150	528	587	343
Avløp, auke i kr	1 236	1 087	989	1 353
Samla auke frå året før, kr	3 386	1 615	1 576	1 696

Tidlegare overskot (fond) er tatt ned, i tråd med regelverket (fondsavsetning kan ikkje vere eldre enn fem år). Samla årsgebyr for vatn og avløp aukar frå **9 937 kr** i 2022 til **13 323 kr** i 2023 (for husvære over 90 m2).

Temaplan for vatn og avløp skal reviderast og utarbeidast i tråd med føringane i kommuneplanen (samfunnsdelen) og med arealdelen, jf vedtatt planstrategi.

Feiing, sjølvkost

Frå 2022 til 2023 er det venta at dei totale kostnadene for feiing og branntilsyn aukar med 26,3 %. Deler av kostnadsauken blir handtert ved nedbygging av fond, som er på om lag 2,6

mill ved utgangen av 2022. Fondet skal vere nedbygd innan 2027 (fondsavsetning kan ikkje vere eldre enn fem år). Gebyrauken frå 2022 til 2023 blir på 4,3 %. Satsane aukar då frå 523 kr til 545 kr.

Renovasjon og slamtømming, sjølvkost

Representantskapet i NGIR gjorde i møte 24.10.2022 vedtak om kva gebyrsatsar NGIR vil tilrå kommunane å vedta for 2023. NGIR sine kostnader har uka meir enn det generelle prisnivået, mellom anna på grunn av at transporttenestene har auka med over 15% det siste året. I oppstilling av sjølvkostgrunnlaget er det lagt til at sjølvkostfondet blir bygd ned innan utgangen av 2026.

Det betyr at renovasjonsavgifta aukar med 12,5% frå 2022 til 2023. For ordinær renovasjon i hushaldninga betyr det at årsgebyret aukar frå **4 800 kr** til **5 400 kr**.

Slamgebyret aukar med 13,6 % frå 2022 til 2023. Gebyret frå årleg tømming aukar frå **2 220 kr** til **2 520 kr**. Tømming kvart 2. år har halvert gebyr, kvart 4. år halvert igjen.

NGIR si oppstilling av gebyrgrunnlaget for slam og renovasjon ligg som vedlegg til saka.

Oppvekst

Kommunale barnehagar:

- Foreldrebetaling: Statleg regulert makspris gjev prisreduksjon på 2%
- Måltid og sein henting: Auke med den generelle prisveksten.

Skulefritidsordning:

- Satsar SFO: Samme satsar for faste plassar som 2022, som følgje av at brukarbetaling dekkjer
- Måltid og sein henting: Auke med den generelle prisveksten.

Pleie- og omsorgstenester

Opphald i institusjon: Statleg regulert egenandel, som ikkje er meldt ut til kommunen enno.

Endringar i eigenbetaling for velferdsteknologi

Fram til no har velferdsteknologi (tryggjeiksalarm og ulike typar av varslings- og lokaliseringsteknologi) vore gratis for nokon, medan fleirtalet har betalt ein eigendel. Prisen for velferdsteknologi er per no 461 kr per månad for dei som betaler mest. Administrasjonen får fleire tilbakemeldingar frå innbyggjarane enn før om at dei synes prisen på 461 kr er høg. Enkelte vel vekk tryggjeiksalarmen pga. pris. Med prisauke på 6,5 % vil ny pris for 2023 bli 491 kr.

Velferdsteknologi skal vere ei førebyggjande teneste og det er ønskjeleg at flest mogleg nyttar velferdsteknologi. Dersom prisen vert for høg kan velferdsteknologi bli valt vekk. Dersom alle som bruker velferdsteknologi deler på kostnadene kan prisen senkast for alle dei som betaler ein eigendel i dag. Dette kan også bidra til at fleire vel velferdsteknologi i framtida. På denne bakgrunn vert det gjort framlegg om reduksjon i prisen for velferdsteknologi. Endringa går ut på at alle betaler ein eigendel for velferdsteknologi og at dei betaler ut frå inntekt.

Dermed vil dei som i dag betaler for velferdsteknologi få ein markant reduksjon i eigenbetalinga. Dei som før fekk velferdsteknologi gratis må i framtida betale ut frå inntekt. Unntak frå kravet om eigenbetaling gjerast berre for dei som bur i omsorgsbustad pluss. I

omsorgsbustad pluss inngår velferdsteknologi som ein del av omsorgsbustad pluss tilbodet. Berekninga av betalingssatsane legg til grunn kommunens inntekter frå eigenandel av velferdsteknologi og fordeler kostnadene på alle brukarar i staden for eit fleirtal av brukarane. Ny ordning er ikkje meint å påverke dei totale inntektene kommunen får frå brukarane sin betaling for velferdsteknologi.

Eigenbetalinga fram til no:

Dei som har rett på helsehjelp og som har fått dette i form av velferdsteknologi (utstyret + responsteneste ved utløyst alarm) har fram til no ikkje betalt ein eigendel. Dei som bur i omsorgsbustad pluss har også fått velferdsteknologi gratis. Dei som ikkje har rett på helsehjelp men som har fått velferdsteknologi som ein service har betalt ein eigendel ut frå husstanden si inntekt. Dei som har inntekt under 2 G har betalt 215 kr pr mnd. Dei som har inntekt over 2 G har betalt 461 kr pr mnd.

Framlegg til ny ordning for eigenbetaling for 2023:

Alle som får velferdsteknologi betaler ein eigenandel ut frå husstanden si inntekt. Dei som har inntekt under 2 G betaler 181 kr per måned (i staden 215 kr). Dei som har inntekt over 2 G betaler 373 kr per måned (i staden for 491 kr.) Dei som bur i omsorgsbustad pluss får gratis velferdsteknologi. Alle vil som før få gratis responsteneste når alarm vert utløyst.

Forslag til ny prisordning bygger på omsynet til at kostnadene med velferdsteknologi bør fordelast rettferdig på alle brukarar av velferdsteknologi. Dette omsynet kan møtast ved at alle betaler ein eigendel kvar. Samstundes bør prisen ta omsyn til betalingsevne ved at prisen fastsettest etter inntekt. For dei som bur i omsorgsbustad pluss vil velferdsteknologi framleis vere gratis og inngå som ein del av tilbodet som omsorgsbustad pluss er.

Helsetenesta vil framleis vere gratis:

For alle som har velferdsteknologi, uavhengig av kva utstyr dei har, så er responstenesta ved utløyst alarm gratis for alle. Det er responstenesta som er sjølv helsetenesta som ein får når alarm vert utløyst. Responstenesta omfattar mottak av alarm av personell i helse og omsorg, vurderingar av hendinga som utløyste alarmen og respons på hendinga ved å sette inn tiltak som aktuelle situasjon krev.

Kultur og idrett

Området følg felles auke i eigenbetalingar, men legg opp til større auke ved klippekort i Radøyhallen. Dette er grunna i vurdering om at skilnaden til enkeltbillett er for stor.

Satsar for erstatningskrav ved biblioteka er redusert. Erstatningskrav ved biblioteket er del av felles prisstruktur for Nordhordland og kan ikkje vere ulik mellom kommunane med omsyn til IT-system.

Alkohol og diverse salsløyve

Statleg regulerte satsar, som ikkje er meldt ut til kommunen enno

Graver og vigsel

Alver kyrkjelege fellesråd har i sak 22/21 gjort vedtak om å følgje kommunal deflator ved fastsetjing av avgifter knytt til gravferd. Prisane er justert i tråd med dette. Fellesrådet sitt vedtak er uansett ei tilråding, og det er kommunestyret som fastsett satsane.

Vedlegg i saken:

04.11.2021	Gebyr og betalingssatser - prinsipp	1636665
23.11.2022	Momentum Budsjettnotat - AREAL 2023 (arealtenestene)	1840423
23.11.2022	Momentum Budsjettnotat - VAF 2023 (vatn, avløp og feiing)	1840424
23.11.2022	Forslag vass- og avløpsgebyr samla for 2023	1840425
23.11.2022	Kommunal saksførebuing til budsjett 2023 - gebyr slam	1840426
23.11.2022	Gebyr renovasjon for 2023	1840427

Arkiv:

<arkivID><jpID> FE-151, FE-145

JournalpostID:

Sakshandsamar:

Dato:

21.11.2022

Saksframlegg

Saksnr.	Utval	Møtedato
050/22	Eldreråd	28.11.2022
058/22	Råd for menneske med nedsett funksjonsevne	28.11.2022
048/22	Ungdomsråd	28.11.2022
031/22	Administrasjonsutval	30.11.2022
131/22	Alver formannskap	01.12.2022
182/22	Alver kommunestyre	15.12.2022

Økonomiplan 2023-2026

Kommunedirektøren sitt framlegg til vedtak:

1. Investeringsbudsjettet for 2023 og for økonomiplanperioden 2023-2026 blir vedteke jfr. Bevilgningsoversikter Investering etter § 5-5. Budsjettet er basert på forventa framdrift på tidlegare vedtekne prosjekt, i tillegg til nokre nye mindre prosjekt. Sum investeringsutgifter i 2023 vert budsjettert med 328 386 000 kr. Bruk av lånemidlar vert budsjettert med 242 939 000. Låneopptak til investeringsprosjekta vert avrunda fastsett til 243 000 000 kr. Øvrig finansiering framgår av bevilgningsoversikten. I tillegg vert det budsjettert med opptak av startlån for vidareutlån i Husbanken på 150 000 000 i 2023 slik det framgår av bevillingsoversikten. Låneopptak skal skje ihht. fullmakt i Finansreglementet pkt. 8.1.
2. Økonomiplan for 2023-2026 og årsbudsjett for 2023 blir vedteke, jfr. Bevilgningsoversikt drift §5-4 og økonomisk oversikt drift §5-6. Årsbudsjettet for 2023 blir vedteke med sum netto driftsrammer for dei sju sektorane, jf. eigen tabell.
3. Kommunedirektøren får fullmakt til å fordele sentralt avsett lønsauke til sektorane når årets lønsforhandlingar er gjennomført.
4. For skatteåret 2023 skriv Alver kommune ut eigedomsskatt etter eigedomsskattelova §§ 2 og 3 første ledd bokstav c, «berre på kraftverk, vindkraftverk, kraftnettet og anlegg omfatta av særskattereglane for petroleum», slik bestemmelsen lyder frå 1. januar 2019. Skattesatsen er 7 promille, jf. eigedomsskattelova §§ 10 og 11. Alver kommune vil i 2023 skrive ut eigedomsskatt på «et særskilt fastsett grunnlag» i henhold til overgangsregelen til eigedomsskattelova §§ 3 og 4, første ledd, slik at verdien av produksjonsutstyr og – installasjonar fasast ut med 1/7 for verk og bruk som frå og med 2019 er å anse som næringseigedom. Det særskilte grunnlaget skal i 2023 vere lik 2/7 av differansen mellom eigedomsskattegrunnlaget i 2018 og 2019 som er forårsaka av at produksjonsutstyr- og installasjonar ikkje skal reknast med i grunnlaget. Alver kommune vil i 2023 skrive ut eigedomsskatt på bygningar og grunnareal for anlegg nevnt i punktet over i henhold til overgangsregelen til eigedomsskattelova §§ 3 og 4, andre ledd. Eigedomsskatten skal betalast i tre terminar, jf. eigedomsskattelova § 25.
5. Basert på endringar i borne- og elevtall i dei kommende åra, ber Kommunestyret kommunedirektøren om å starte arbeidet med barnehage og skulebruksplan for Alver kommune
6. Kommunestyret ber kommunedirektøren om å starte arbeidet med taksering av

- næringseigedomar i 2023 med sikte på å innføre eigedomsskatt på all næring i 2024.
7. Kommunestyret ber kommunedirektøren starte arbeidet med taksering av hus, hytter og tomter med sikte på å innføre eigedomsskatt i 2024. Det er sett av 1,5 mill. kr til takseringsarbeidet i 2023. Dersom anbudsprosessen viser at takseringsarbeidet vert dyrare, ber kommunedirektøren om å ta resultatet inn i tertialrapporteringa i 2023.
 8. Det vert gjeve ei ramme på 1 924 000 kr til kontrollutvalet.
 9. Det vert gjeve eit driftstilskot til Alver kyrkjelege fellesråd på 26 535 000 kr. I tillegg kjem dekking renter og avdrag på lånet for Kyrkja i Knarvik som tilsaman utgjør 3 228 000 kr.
 10. Skatteøre vert sett lik maksimal sats i samsvar med Stortinget sitt vedtak om kommunalt skatteøre.
 11. Godtgjersle til ordfører er 1 064 318 kr og varaordfører 638 591 kr. Dette er i samsvar med godtgjersle til stortingsrepresentantar pr 1. mai 2022. Løna skal regulerast per mai 2023 i samsvar med endringar i løn til stortingsrepresentantar.

Eldreråd 28.11.2022:

Handsaming:

Janne Sund-kommunalsjef økonomi orienterte og svarte på spørsmål.

Det vart sett fram følgjande felles framlegg til uttale til Økonomiplan 2023-2026:

Det er ein sterk vekst av eldre og ein nedgang i barnetalet i Alver. Økonomiplanen bør avspeгла den demografiske utviklinga.

Med omsyn til den svært krevjande økonomiske situasjonen, kan eldrerådet akseptera at det mellombels kan innførast eigedomsskatt i Alver.

Eldrerådet er positiv til at det blir utarbeidd ein heilskapleg skulebruksplan i Alver.

Eldrerådet meiner tiltak retta mot barn og ungdom må skjermast, det gjeld mellom anna tiltak som MOT.

Eldrerådet advarar mot å byggja ned planleggings-kapasiteten i kommunen.

Eldrerådet meiner det hastar med å utvida kyrkjegarden på Lindås, og ser positivt på at denne investeringa har fått plass i forslaget til økonomiplan.

Eldrerådet ser behovet for at Alver kommune får på plass ein seniorpolitikk med tiltak som mellom anna legg til rette og stimulerer til at eldre arbeidstakarar står lenger i jobb.

Eldrerådet vedtok samrøystes felles framlegg til uttale sett fram i møtet.

ER- 050/22 uttale:

Det er ein sterk vekst av eldre og ein nedgang i barnetalet i Alver. Økonomiplanen bør avspeгла den demografiske utviklinga.

Med omsyn til den svært krevjande økonomiske situasjonen, kan eldrerådet akseptera at det mellombels kan innførast eigedomsskatt i Alver.

Eldrerådet er positiv til at det blir utarbeidd ein heilskapleg skulebruksplan i Alver.

Eldrerådet meiner tiltak retta mot barn og ungdom må skjermast, det gjeld mellom anna tiltak som MOT.

Eldrerådet advarar mot å byggja ned planleggings-kapasiteten i kommunen.

Eldrerådet meiner det hastar med å utvida kyrkjegarden på Lindås, og ser positivt på at denne investeringa har fått plass i forslaget til økonomiplan.

Eldrerådet ser behovet for at Alver kommune får på plass ein seniorpolitikk med tiltak som mellom anna legg til rette og stimulerer til at eldre arbeidstakarar står lenger i jobb.

Råd for menneske med nedsett funksjonsevne 28.11.2022:

Handsaming:

Orientering til saka v/Janne Sund-kommunalsjef økonomi og Leni Dale-kommunalsjef helse og omsorg

Fellesframlegg v/Reidar Knutsen:

Økonomiplan:

- RMNF er uroa over den økonomiske stoda for Alver kommune og planane om nedskjeringar i habiliteringstenester / psykisk helse og rus, i tillegg til uspesifiserte innsparingar i helse/omsorg og skule. Vi er redd dette vil ha negativ verknad på livskvaliteten til menneske med nedsett funksjonsevne. Kortsiktige innsparingar kan òg gje auka kostnader fram i tid.
- Ved innsparing i skule og barnehage, må ein sikre at alle born framleis vert sett og får den tilrettelegginga dei treng og har krav på.
- Vi ber om at RMNF og brukarorganisasjonar vert involvert ved vesentlege endringar i tenestetilbodet til menneske med nedsett funksjonsevne.
- Vi ber om at kjøp av plassar på Guttas Campus eller likeverdig tilbod vert vidareført.
- Det er bra at det er avsett ressursar basert på forventa demografiutvikling, men det er òg nødvendig å etablera økt kapasitet i tide, enten det gjeld bustad, arbeids og aktivitetstilbod eller anna som krev lengre planlegging og gjennomføring.
- RMNF har vorte kontakta av ein innbyggjar, som meiner det er urimeleg at personar som søker om å få montert utvendig trappeheis må betala gebyr for å få behandla søknaden. Ein slik heis er eit midlertidig tiltak, som vert fjerna når den som treng den ikkje lenger bur i huset. RMNF er einig i at dette synest som urimeleg å måtta betala eit slikt gebyr, som følgje av at ein har fått ei funksjonshemming som gjer at ein ikkje lenger kan bruka trappa. Vi ber om at det vert innarbeidd ei presisering i gebyrregulativet, om at det ikkje skal krevjast gebyr for utvendige trappeheisar og tilsvarande midlertidige installasjonar.

RMNF- 058/22 uttale:

Økonomiplan:

- RMNF er uroa over den økonomiske stoda for Alver kommune og planane om nedskjeringar i habiliteringstenester / psykisk helse og rus, i tillegg til uspesifiserte innsparingar i helse/omsorg og skule. Vi er redd dette vil ha negativ verknad på livskvaliteten til menneske med nedsett funksjonsevne. Kortsiktige innsparingar kan òg gje auka kostnader fram i tid.
- Ved innsparing i skule og barnehage, må ein sikre at alle born framleis vert sett og får den tilrettelegginga dei treng og har krav på.
- Vi ber om at RMNF og brukarorganisasjonar vert involvert ved vesentlege endringar i tenestetilbodet til menneske med nedsett funksjonsevne.
- Vi ber om at kjøp av plassar på Guttas Campus eller likeverdig tilbod vert vidareført.
- Det er bra at det er avsett ressursar basert på forventa demografiutvikling, men det er òg nødvendig å etablera økt kapasitet i tide, enten det gjeld bustad, arbeids og aktivitetstilbod eller anna som krev lengre planlegging og gjennomføring.
- RMNF har vorte kontakta av ein innbyggjar, som meiner det er urimeleg at personar som søker om å få montert utvendig trappeheis må betala gebyr for å få behandla søknaden. Ein slik heis er eit midlertidig tiltak, som vert fjerna når den som treng den ikkje lenger bur i huset. RMNF er einig i at dette synest som urimeleg å måtta betala eit slikt gebyr, som følgje av at ein har fått ei funksjonshemming som gjer at ein ikkje lenger kan bruka trappa. Vi ber om at det vert innarbeidd ei presisering i gebyrregulativet, om at det ikkje skal krevjast gebyr for utvendige trappeheisar og tilsvarande midlertidige installasjonar.

Ungdomsråd 28.11.2022:

Handsaming:

Orientering i saka v/Janne Sund

Ungdomsrådet arbeida fram ein felles uttale på dei punkta dei meiner er viktige å formidle i saka, uttalen kjem i sin heilhet i vedtaket.

UR- 048/22 uttale:

Vi i Alver ungdomsråd kjem med følgjande uttale i sak om Økonomiplan 2023-2026 og budsjett 2023.

Vi ynskjer først å peike på dei innspela som vart gjeve til formannskapet i august 2022, der ungdomsrådet hadde følgjande innspel på tiltak som er viktig for dei unge i kommunen:

- Ungdomsklubbar, fleie dagar i uken og ny klubb i Knarvik.
- Helsesjukepleiarar i skulen, med meir tid til kvar enkelt elev.
- Halde fram MOT på ungdomsskulen.
- Halde fram Ungdomskontakten Salto
- Halde fram tilbod om Open hall.
- Halde fram arrangementer i hallane, aktivitetar og utfluktar for ungdom.
- Kortare ventetid på psykolog for ungdom.
- Betre opningstid på Helsestasjon for ungdom.
- Betre uteområde på ungdomsskulane
- Miljøterapeuter i ungdomsskulen

Til kommunedirekøren sitt framlegg til økonomiplan og budsjett, har vi følgjande innspel:

- Ikkje kutt MOT frå 2023.

Vi meiner MOT er viktig i ungdomsskulen og ber om at programmet kan halde fram. Vi opplev at MOT er med på å skapa betre klassemiljø og fellesskap i klassane, og betre livsmeistring for den enkelte. MOT gjev også betre overgang mellom barneskule og ungdomsskule.

- Kutt i kultur frå 2024-.

Ikkje kutt i tilbod til barn og unge. Ungdomsklubbane, arrangementer, Open hall og ferieaktivitetar er som vi påpeikte til formannskapet i august viktige for trivsel for barn og unge.

- Framlegg om investering i lærebøker.

Vi har fått innspel frå elevråd på Radøy ungdomsskule om for dårlege lærebøker. Dei er utdaterte og har mykje feil. Elevane opplev å få mange kopiar og hefter, som det ikkje er lett å halde orden i.

Vi meiner at alle elevråd i kommunen må få uttale seg om korleis dei opplev undervisninga og ulike verktøy for læring. I dag opplev mange å få kopiark, hefter, utdaterte lærebøker i kombinasjon med digitale verktøy.

Vi meiner kommunen sjå gjennom bruken av ulike verktøy og materiell, høyre på innspel frå elevar/elevråd og samstundes sikra finansiering av oppdaterte lærebøker der det er behov. Mange liker ein god fysisk lærebok, ikkje alt digitalt.

- Innsparing, Helse og omsorg

Vi meiner kommunen bør sjå om ein kan effektivisere helse og omsorg, slik at ein ikkje må auke budsjettet så mykje som økonomiplanen seier. Til dømes, kan betre bruk av velferdsteknologi redusere behovet?

- Innsparing, Oppvekst og skular.

Vi er ikkje i mot å leggje ned skular for å betre økonomien, men da må innsparingen vere eit ledd i å behalde andre tilbod til barn og unge (t.d. unngå kutt i kultur og MOT).

Vi meiner det kan vere fordelar ved å leggje ned skular, dersom det bidreg til større fellesskap for elevane gjennom større klassar og fleire medelevar på skulen.

Administrasjonsutval 30.11.2022:

Handsaming:

Orientering ved kommunedirektør Ørjan Raknes Forthun.

Saka vert teke til orientering, samrøystes.

Uttale frå Norsk sykepleierforbund ved HTV Silje Fanebust:

I forbindelse med budsjettprosessen så ønsker Norsk sykepleierforbund i Alver å legge ved denne uttalen.

Norsk sykepleierforbund er opptatt av tjenestetilbudet i skolehelsetjenesten.

Skolehelsetjenesten i Alver har i dag ett lavere antall helsesykepleiere per elev i skolen enn anbefalt ut ifra Helsedirektoratet sine anbefalte normtall. I tillegg har oppvekstreformen tydeliggjort behovet for å satse på tidlig innsats og forebygging. Vi ser at utfordring bilde rundt psykisk helse, spiseforstyrrelse, psykososiale utfordringer i klassemiljøene og skolevegring er økende hos barn og ungdom i både barne,- ungdom og videregående skole.

Helsesykepleiere i skole har en nødvendig rolle i barnas hverdag for å komme i posisjon for å følge opp og avdekke psykisk uhelse og skolevegring, men og vold og overgrep i nære relasjoner. Det forutsetter en viss tilstedeværelse på skolene for å kunne komme i en slik posisjon.

Slik ressurstildelingen i skolehelsetjenesten er i dag, er denne tjenesten smurt tynt utover alle skolene. Dette medfører at tilgjengeligheten og kontinuiteten på helsesykepleiere i skolen for barna er sårbar.

Ungdomsrådet har og pekt på utfordringer rundt helsesykepleiertilbudet til barn og unge der de etterlyser økt åpningstid på helsestasjon for ungdom, og mer tid per elev for helsesykepleiere i skolen.

Uttale frå Utdanningsforbundet ved Jarle Næss:

Utdanningsforbundet Alver ser med uro på den økonomiske situasjonen som Alver kommune no befinn seg i. Det er heilt klart behov for store innsparingar, og vi har stor forståing for at kommunedirektøren og Kommunestyret har ein krevjande jobb i høve til å leggje fram og vedta økonomiplanen for dei neste åra. Samstundes er det vår jobb å påpeike kva konsekvensar vi ser av dei kuttforslaga som no ligg føre. Vi er forplikta til å seie ifrå idet vi opplever at drifta ikkje er, eller har moglegheit til å vere, innanfor det lovpålagte og forsvarlege. Ein del førebyggjande tiltak er ikkje lovpålagte. Her har vi forskingsmessig belegg for å hevde at innsparingar på kort sikt, vil vere vesentleg dyrare på litt lengre sikt, og jo lenger periode vi er utan førebyggjande tiltak, jo meir kostbart vil det bli. Det vil vere feil å berre snakke om dei økonomiske konsekvensane. Sparetiltaka har potensiale til å gje store menneskelege konsekvensar for einskildborn og -elevar. For få månadar sidan hadde vi ein omfattande lærarstreik som blei avslutta etter tvunge lønsnemnd, av omsyn til dei mest sårbare elevane. Utdanningsforbundet Alver bed innstendig om at omsynet til sårbare barn og unge òg blir teljande i høve til kor og korleis innsparingar blir gjennomførte i Alver kommune.

I fleire samanhengar har Utdanningsforbundet av kommuneleiinga blitt skulda for å svartmale situasjonen når vi har snakka om korleis våre leiarar og tilsette opplever arbeidssituasjonen sin. Dessverre er det sånn at når barnehage- og skuleeigar gjentatte gonger ovanfor politisk hald, t.d. i tilstandsrapportar og no i Kommunedelplan oppvekst, ikkje skriv eller seier noko om korleis stoda faktisk er i barnehagane og skulane, men om korleis stoda burde ha vore, så står Utdanningsforbundet ganske åleine om å balansere dette biletet. Vi vil oppmode kommunestyrepolitikarane til å lese dei innspela som i økonomiplanprosessen har kome frå leiarar og tillitsvalde innan dei ulike tenesteområda i oppvekst. Særskilt er referatet frå skulesektoren sterk lesing.

Det som går att når vi snakkar med våre medlemmar, er generelt at dei er slitne, og at det ikkje er samsvar mellom den bemanninga og dei ressursane dei har til rådighet, og dei oppgåvene dei skal løyse. Når det gjeld synspunkt på økonomiplanen og dei kuttforslaga som ligg føre, så seier leiarane at dei opplever at dei frå før balanserer heilt på grensa i høve til lovlegheit og forsvarlegheit, og at det t.d. i mange av skulane er omtrent umogleg å halde lærarnorma samstundes som einskildvedtak om spesialundervisning og ei auke i utagering og psykiske utfordringar blant elevane må handterast. I mangel på læremiddel, både lærebøker og digitale læremiddel, blir lærarane påført mykje ekstraarbeid med å lage undervisningsopplegg med tilstrekkeleg god kvalitet. Alt tyder på at dette er ei ekstra

belastning som lærarane blir ståande i i lang tid framover.

Forslaget om å kutte 6,5 lærarårsverk frå eit allereie opplevd minimumsnivå, samt å fjerne og redusere ulike førebyggjande tiltak, har fått nokre av rektorane til å stille seg spørsmålet om dei er villige til å stå ansvarlege for drifta vidare, eller om dei skal finne seg noko anna å gjere.

Når det gjeld forslaget om å leggje ned spesialpedagogisk støtteining barnehage og plassere dei tilsette ut i dei kommunale barnehagane, har Utdanningsforbundet Alver følgjande kommentar: Arbeidsgjevar sine argument om å følgje tilrådinga til skuleforskar Thomas Nordahl (i

Stortingsmelding) og tilrådinga til Alver kommune sitt prosjekt Universell pedagogikk, er heller tvilsame. Nordahl sine forslag om endra organisering av spesialundervisning dreier seg om skule, og er i tillegg frå mange hald blitt sterkt kritisert. Prosjekt Universell pedagogikk har ikkje gitt tilråding til denne endringa, men konkludert med at det på eit tidspunkt er fornuftig å ta ein gjennomgang i høve til korleis spesialpedagogikken i barnehagesektoren bør organiserast. Det er to heilt forskjellige ting. Utdanningsforbundet Alver har god grunn til å tru at spesialpedagogane kjem til å inngå i den ordinære bemanninga i dei kommunale barnehagane, vere ein del av bemannings- og pedagognorma, og at det spesialpedagogiske arbeidet vil bli utvatna med at spesialpedagogane òg blir sett til anna ordinært arbeid i barnehagane. Det vil bli eit betydeleg kvalitetstap for spesialundervisninga at eit kompetent fagmiljø blir splitta. I tillegg vil denne nye organiseringa syte for at dei private barnehagane ikkje lenger kan nytte teamet sin spesialpedagogiske kompetanse, og dei private barnehagane må ut på marknaden for å finne spesialpedagogar som det er stor mangel på. Utdanningsforbundet Alver fryktar at spesialpedagogane forsvinn, anten til andre kommunar eller til private.

Det er positivt at det er føreslått styrking av bemanninga i barnehagane for å sikre at pedagogane får tatt ut plantida si. Det er godt kjent at veldig mykje av pedagogane si plantid no forsvinn på grunn av at det ikkje er forsvarleg at dei forlet barna på avdelinga som følgje av tynn grunnbemanning i kombinasjon med høgt sjukefråvere. Difor meiner Utdanningsforbundet Alver at det er for lenge å vente på denne bemanningsauka heilt til 2025.

Det er føreslått å kutte MOT-tilbodet i ungdomsskulane, noko som kommunedirektøren meiner skal gje ei innsparing på 1 million pr år. Mange av MOT-coachane er lærarar i skulane i dag, der dei har MOT-timane som ein del av sine stillingar. Her vil det ikkje gje noko innsparing når MOT-timane forsvinn, for då skal elevane ha annan undervisning som kostar mist det same som MOT-timane. Utdanningsforbundet Alver stiller difor spørsmålsteikn med kommunedirektøren sitt reknestykke.

Den nye Oppvekstreforma held tidleg innsats som ein grunnpilar for heile reforma. Dei siste året har arbeidet med tidleg innsats i skulen blitt redusert i Alver kommune, då store delar av ressursane har gått til finansiering av minstenorma for lærartettleik, oppfølging av nye framandkulturelle elevar, samt elevar med store utfordringar knytt til utagering og/eller psykisk helse. I tillegg har og andre førebyggjande tiltak blitt bygd ned. Mellom anna har miljøterapeutstillingar forsvunne. Ressursane til desse miljøterapeutstillingane som skulane mista i 2022, skulle vore brukt til etablering av eit såkalla barnehage- og skulemiljøteam innunder PPT. Her har tilsetjinga blitt stansa, og dei tilsette ved PPT er med rette urolege for at dette teamet aldri kjem på plass.

Det å redusere drifta til Salto og fritidsklubbar, forsterkar ytterlegare Alver kommune si vandring vekk frå førebygging og over til meir og meir brannsløkking.

Det er ein stor fare for at kutt i tidleg innsats og førebyggjande tiltak ganske raskt vil føre til akutt behov for fleire dyre og omfattande tiltak.

Utdanningsforbundet Alver håper at Kommunestyret greier å einast om ein økonomiplan som sikrar både lovleg og forsvarleg drift i våre avdelingar i oppvekstsektoren.

ADM- 031/22 uttale:

Saka er teke til orientering.

Alver formannskap 01.12.2022:

Handsaming:

Tillegg til kommunedirektøren sitt framlegg vart ettersendt:

I tillegg til punkt 1 i kommunedirektøren sitt framlegg til investeringsbudsjett gjerest det framlegg om å løyve investeringsmidlar til brannsikring i kyrkjene, i tråd med krav etter tilsyn. Det vert løyvd kr 750.000,- for 2023 og kr 750.000,- i 2024. Investeringa skal finansierast med tilsvarande auka bruk av lånemidlar for 2023 og 2024. Renter og avdragseffekt på investeringa vert finansiert ved auka bruk/ redusert avsetnad på disposisjonsfondet.

Kommunedirektøren sitt framlegg vart samrøystes vedteke.

FO- 131/22 innstilling:

1. Investeringsbudsjettet for 2023 og for økonomiplanperioden 2023-2026 blir vedteke jfr. Bevilgningsoversikter Investering etter § 5-5. Budsjettet er basert på forventa framdrift på tidlegare vedtekne prosjekt, i tillegg til nokre nye mindre prosjekt. Sum investeringsutgifter i 2023 vert budsjettert med 328 386 000 kr. Bruk av lånemidlar vert budsjettert med 242 939 000. Låneopptak til investeringsprosjekta vert avrunda fastsett til 243 000 000 kr. Øvrig finansiering framgår av bevilgningsoversikten. I tillegg vert det budsjettert med opptak av startlån for vidareutlån i Husbanken på 150 000 000 i 2023 slik det framgår av bevilgningsoversikten. Låneopptak skal skje ihht. fullmakt i Finansreglementet pkt. 8.1.
De vert løyva investeringsmidlar til brannsikring i kyrkjene, i tråd med krav etter tilsyn. Det vert løyvd kr 750.000,- for 2023 og kr 750.000,- i 2024. Investeringa skal finansierast med tilsvarande auka bruk av lånemidlar for 2023 og 2024. Renter og avdragseffekt på investeringa vert finansiert ved auka bruk/ redusert avsetnad på disposisjonsfondet.
2. Økonomiplan for 2023-2026 og årsbudsjett for 2023 blir vedteke, jfr. Bevilgningsoversikt drift §5-4 og økonomisk oversikt drift §5-6. Årsbudsjettet for 2023 blir vedteke med sum netto driftsrammer for dei sju sektorane, jf. eigen tabell.
3. Kommunedirektøren får fullmakt til å fordele sentralt avsett lønsauke til sektorane når årets lønsforhandlingar er gjennomført.
4. For skatteåret 2023 skriv Alver kommune ut eigedomsskatt etter eigedomsskattelova §§ 2 og 3 første ledd bokstav c, «berre på kraftverk, vindkraftverk, kraftnettet og anlegg omfatta av særskattereglane for petroleum», slik bestemmelsen lyder frå 1. januar 2019. Skattesatsen er 7 promille, jf. eigedomsskattelova §§ 10 og 11. Alver kommune vil i 2023 skrive ut eigedomsskatt på «et særskilt fastsett grunnlag» i henhold til overgangsregelen til eigedomsskattelova §§ 3 og 4, første ledd, slik at verdien av produksjonsutstyr og – installasjonar fasast ut med 1/7 for verk og bruk som frå og med 2019 er å anse som næringseigedom. Det særskilte grunnlaget skal i 2023 vere lik 2/7 av differansen mellom eigedomsskattegrunnlaget i 2018 og 2019 som er forårsaka av at produksjonsutstyr- og installasjonar ikkje skal reknast med i grunnlaget. Alver kommune vil i 2023 skrive ut eigedomsskatt på bygningar og grunnareal for anlegg nevnt i punktet over i henhold til overgangsregelen til eigedomsskattelova §§ 3 og 4, andre ledd. Eigedomsskatten skal betalast i tre terminar, jf. eigedomsskattelova § 25.
5. Basert på endringar i borne- og elevtall i dei kommende åra, ber Kommunestyret kommunedirektøren om å starte arbeidet med barnehage og skulebruksplan for Alver kommune
6. Kommunestyret ber kommunedirektøren om å starte arbeidet med taksering av næringseigedomar i 2023 med sikte på å innføre eigedomsskatt på all næring i 2024.

7. Kommunestyret ber kommunedirektøren starte arbeidet med taksering av hus, hytter og tomter med sikre på å innføre eieendomsskatt i 2024. Det er sett av 1,5 mill. kr til takseringsarbeidet i 2023. Dersom anbudsprosessen viser at takseringsarbeidet vert dyrare, bes kommunedirektøren om å ta resultatet inn i tertialrapporteringa i 2023.
8. Det vert gjeve ei ramme på 1 924 000 kr til kontrollutvalet.
9. Det vert gjeve eit driftstilskot til Alver kyrkjelege fellesråd på 26 535 000 kr. I tillegg kjem dekking renter og avdrag på lånet for Kyrkja i Knarvik som tilsaman utgjer 3 228 000 kr.
10. Skatteøre vert sett lik maksimal sats i samsvar med Stortinget sitt vedtak om kommunalt skatteøre.
11. Godtgjersle til ordfører er 1 064 318 kr og varaordfører 638 591 kr. Dette er i samsvar med godtgjersle til stortingsrepresentantar pr 1. mai 2022. Løna skal regulerast per mai 2023 i samsvar med endringar i løn til stortingsrepresentantar.

Politisk handsaming

Saka skal til uttale i administrasjonsutvalet, ungdomsråd, eldreråd og råd for menneske med nedsett funksjonsevne

Saka skal til innstilling i formannskapet

Saka skal avgjerast i kommunestyret

Lenke til kommunedirektøren sitt framlegg til budsjett og økonomiplan 2023 - 2026:

https://pub.framsikt.net/2023/alver/bm-2023-økplan_23-26/

Vedlegg i saken:

31.08.2022	Budsjett 2023 - søknad	1793644
08.12.2022	Innspill til budsjett 2023 fagforb. - lagt ved til KO	1848444
	15.12.2022	
08.12.2022	Alver idrettsråd innspill til kommunedirektørens økonomiplan for 2023 - 2026 - lagt ved til KO 15.12.2022	1848672
08.12.2022	Merknader til økonomiplan Alver 2023-2026 Alver kulturråd - lagt ved til KO 15.12.2022	1848673

Arkiv: <arkivID><jpID> FE-033
JournalpostID:
Sakshandsamar:
Dato: 02.12.2022

Saksframlegg

Saksnr.	Utval	Møtedato
183/22	Alver kommunestyre	15.12.2022

Melding/orientering til kommunestyret 15.12.2022

Kommunedirektøren sitt framlegg til vedtak:

Meldinga vert teke til orientering.

Politisk handsaming

Saka skal avgjerast i kommunestyret

Melding/orientering:

- Vedtak - (Meland) - utviding av kyrkjegard - detaljregulering - kopi av brev frå Kommunal og distriktsdepartement

Vedlegg i saken:

08.12.2022	Vedtak - (Meland) - utviding av kyrkjegard - detaljregulering - kopi av brev frå Kommunal og distriktsdepartement	1848532
08.12.2022	Vedtak - Alver - (Meland) - utviding av kyrkjegard - detaljregulering - ref 18 3998 FMHO (L)(731435)	1848533